

**M. TULLII CICERONIS  
CONSOLATIO. LIBER,  
QUO SE IPSUM DE  
FILIAE MORTE  
CONSOLATUS EST**

---

14  
11-G  
1



14-11-G-1






I B 74  
M. TVLLII  
CICERONIS  
CONSOLATIO.

*Liber, quo se ipsum de Filiae morte consolatus est.*

Nunc primùm repertus, & in lucem editus.



PARISIIS.

Apud Nicolaum CHESNEAV via Iacobæa  
sub Quercu viridi.

M. D. LXXXIII.

Cum privilegio Regis.



1-77. G. 1






# CLARISS. VIRO IAC.

FAIO SPESÆO IN SVPREMA

CVRIA PATRONO REGIO,

ac sacri Consistorij

Senatori. S.



**L**IBELLVM M. Tullij de consolatione recens in Italia typis excusum, a principe Legationis Venetæ Reipub. viro magnifico missum ad ornatissimum Præsidentem LEONÆVM, tibi que, vir clarissime, dono ab eodem datum percurri auidissime siue argumenti laude, siue etiam Tulliana dignitate famamque nominis excitatus. Quæ ex lectione, certè in sperata, quanquàm incredibili gaudio persusum me continuò sentirem (ut est inquieta res, letitia, cuius interdum magnitudinem animus non capiat, quod ille ait Panegyristes Nazarius) interea tamen apud me querebar, ubi legendi primum libelli potestas mihi facta est, vnum modò id exemplar in Gallia visum hætenus, ut non faciliè possem ardentem meam sitim restringere. Itaque nulla interposita mora quæ siui cuius esset: cuque id suum esse mihi constaret, nec tamen auderè ego tibi ἀκούμην. & aut etiam ἀγγέλλω. Vtrò me obtrudere statim vel tacente ac penè restitute me se obtulit laudatissimus Senator GILLOTIVS, vir bonarum artium bonarumque partium, qui eo libello ius vtendi fruendi nobis ex tua facilitate ac candore permisit. Eum ita bonis conditionibus commissum & concessit, immò lectum perlectumque, ac denique curante me, mandatum prælo, ad te iam remitto. V. C. ad quem illustrandum notis quibusdam meis me proximè comparo. si tamen prius, quàm sit ille ῥυῖς. & (de quo dubitare nolim tam facile) ipse pro ea qua vales ingenij ac iudicij dexteritate pronunciaris. nolim enim me testem

# EPISTOLA.

unum, & quasi sponforem in ea re asserenda profiteri : eo quod in rebus etiam ijs que vero simillima apparent, perpetuo mihi insusurret Epicharmus, ut ipso amicus: adeoque vereor ne ut in rebus secundis letitia transuorsum nos ducat à rectè consulendo atque intelligendo, quod pro Rhodiensibus olim Cato dixit. Si quid igitur ea de re statueris cum eruditis hominibus tuique imprimis similibus, eam disputationem non patiar amplius aut situ obrui, aut etiam edaci illa & rerum omnium consumprice vetustate obliterari, meumque adeans commentarium penè iam absolutum, tuæ in me, remque publicam literariam beneuolentiæ testem publicari sustinebo. Vale. Lutetia, Calend. Quintilib. c. 13. 12. LXXXII.

Tuus

CLAVDIUS MINOS.

## *Summa Privilegij.*

C Autum est auctoritate Regia ne quis præter Ioannem Richerium Bibliopolam & Typographum Parisiensem, excudat typis, aut etiam mandet excudi, & quoquo modo vendat, præter eiusdem Richerij consensum, *M. Tullij Ciceronis Consolationem, cum explicatione* CLAVDII MINOIS, ad annos usque nouem, sub pœna regio diplomate latius comprehensa, anno 1583. Iunij 28.





M. TVLLII CICE-  
RONIS CONSOLATIO.



QVAM recentibus morbis medici-  
nam adhibere vetani sapientes, nihilque  
aduersi hominibus accidere solet in vita,  
quod aut improuisum, aut inexpectatum  
videatur, conemur tamen, si qua ratione  
possumus, mederi nobismetipsis, & domestica subuenire ca-  
lamitati. Si enim quoties *usuenit*, consulimus ceteris,  
cur non aliquando nobis ipsis? & si mala, qua nec vitari,  
nec auerti humanis viribus possunt, pertulimus toleranter,  
cur non ea si possumus, ratione leuiora faciamus? praesertim  
cum ad aegritudines, & molestias depellendas eo acrius in-  
cumbere homines debeant, quod melius est sine cura viuere,  
quam curis, & angoribus oppressum, ac circumuentum,  
humanam conditionem satis per se miseram, aliis etiam in-  
commodis efficere miseriorem. quid porro praestantius, quid  
utilius est, quam cum corpore valeas, curare, ut etiam ani-  
mo valere possis? siquidem corpus animi gubernaculo, ani-  
mus autem ministerio corporis indiget. at neque animus a-  
ger bene gubernabit, nec affectum corpus animi recte pare-  
bit imperio. Quamobrem prudenter a doctis & sapienti-  
bus viris & cogitatum, & factum est, qui de *lu. lu. mi.*

Rationes co-  
solandi sui.

Scriptores de  
minuendo la-  
gu.

Casus ereptae  
filiae.

Quibus audo-  
ribus Cicero  
vsur ad mi-  
nuendum do-  
lorem.

Aduerſi casus  
homini pro-  
funt.

nuendo ante nos scripserunt, quorum exstant satis multa, sanè sapienter litteris mandata, imprimisque à Theophrasto, Xenocrate, & Crantore, quorum libros cum saepe animi causa sumpserimus in manus, admirati eorum saluberrimis præceptis refertam, & conditam eloquentiam, tum proximè legimus necessariò casus enim ereptae nobis filiae, quam in oculis ferebamus, eximiis & virtutis, & prudentiae laudibus præstantem, ita nos vel perculit, vel afflixit, ut ab iis opem ad leniendum & mitigandum dolorem petere coacti simus, quorum maximè doctrina, atque auctoritate antea movebamur. Itaque multa, quae ab illis vel acutè cogitata, vel eleganter enuntiata sunt, ad dolorem nostrum abstergendum colligimus, ut, si minus ceteros in tanto mœrore delectare poterimus, quod aliàs & dicendo, & scribendo efficere conati sumus, & fortasse interdum præstitimus, saltem nobis ipsis medeamur. Sed nos etiam in hoc fortiores erimus, quàm ceteri: quibus difficile non fuit, cum doloris expertes ipsi essent, alios consolari, & à mœrore abducere: nos autem dolore afflicti, consolationem à nobis petentes, nosmetipsos in dolore vincemus, ac naturae quandam quasi vim afferemus, quae utinam tanti sit, ut ceteros quoque in pari fortuna doceat aduersos casus patienter ferre: qui quò saepius contingunt, eò propiores hominibus putandi sunt, quasi què in ipsa humana natura innati atque insiti, idcò què lenius ferendi. qui enim hominè se esse agnoscit, hominis què nomen sibi vindicat, cur ea, quae hominis maximè propria sunt, recusare, ac reiicere audeat? quod simul ut scisset, & imprudens, & iniustus meritiò habetur. Atque hic locus à Theophrasto egregiè tractatus, &

perpolitus est: itēque à Xenocrate, quorum uterque eos, qui communes casus recusant, imprudentia, atque iniusticia condemnat, alter etiam dijs ipsis aduersos non dubitat appellare, quod etiam grauius crimen est, ac vix in homine tolerabile. qui, cum omnia Dijs immortalibus accepta referre debeat, quorum ope uiuit, intelligit, agit, si eorum voluntati repugnet, cum Diis, Gigantum more, bellare videbitur. Hæc autem peritè, ut dixi, à multis tractata sunt. Sed ego Crantorem sequor, cuius legi breuem illum quidem, sed verè aurum. Et, ut Tanatio placuit, ad verbum ediscendum de luctu librum, quo acutè vniuersam doloris medicinam complexus est, sed humanæ naturæ incommoda ita diligenter, & accuratè expressit, ut quasi luendorum scelerum causa nasci homines, & in hanc lucem ingredi possis agnoscere. Fac enim nasci hominem, & in lucem edi. continuo senties, non rerum humanarum dominum, & gubernatorem exortum, sed verius miseriarum seruum, atque incommodorum. nam infantiæ & pueritiæ vagitus, lacrymæ, inbecillitas, nullus nec rationis, nec corporis usus, dolores, molestiæque quamplurima amplectuntur. Adolescentiam ardor quidam excipit ætatis nec prudentiæ, nec iudicii compos, rerum vtilium, ac laudabilium contemptio, voluptatis, & sepe turpitudinis appetitus, veri boni ignoratio, in pares ferocia, in superiores superbia, in infimos arrogancia. ex his contentiones, rixa, contumeliæ, assiduus denique molestiarum concursus existit: ex rebus honestis contemptis infelicitas, & infamia, ex turpibus curiose arreptis, & conquisitis luctus, morbi, perpetuum denique suis ipsius odium, ex cognita re-

Crantoris liber de luctu.

Homines luendorum scelerum causa nati.

Infantiæ mala.

Adolescentiæ.

M. TULLII CICERONIS

rum turpium mercede constatum. Adde insanas pecuniarum largitiones, nullam futuri temporis curam, non inopia, non liberorum, non uxoris, non posterorum, non familia. quæ si quis ætatis potius vitia, quàm naturæ miseria, velit appellare, quanquam nominis quæstionem inducat, nõ tamen ipsas ab homine miseria, atque incommoda remo-

Hos falli qui  
miserias esse  
errores putat.

uebit. Nec verò audiendus erit, qui hæc ab humana natura miseriis separanda putet, quod nõ in natura insita sint, sed vnius vel aliquorum hominum errores videantur, totius autem natura illa esse affirmet, quæ à nullo prorsus homine scingi possint. quasi verò humanum non sit irasci, quod multi non irascantur, aut non humanum loqui, & societatem coire, quod multi reperiantur, qui nihil difficilius faciant, quàm cum hominibus congredi, aut sermonem cum aliquo conferre. verè autem humanæ miseriæ sunt, quod & si non omnes in vno, certè omnes in omnibus, & aliquæ in

Vitiis ætatis  
miseria.

multis, & multa sepe in vno agnoscuntur. Jam constantis ætatis quot quantæque miseriæ sint, nõ difficile est intellegere, at difficillimum enumerare. hæc enim ex omnibus hominis ætatibus in perturbationes animi, in pericula capitis, famę, fortunarum vna maxime incurrit. sicut enim ceterarum omnium ætatum, ad res negotiæque tum priuata, tum publica peragenda aptissima est, maximeque idonea, ita etiam vna, præ ceteris omnibus, difficultatum, miseriarumque omnium, quæ ex publica priuatæque administratione oriuntur, particeps, & socia est. hæc priuata amicorum negotia procurat, hæc publica sustinet munera, hæc gloriam, & commodum ex rebus feliciter euenientibus. hæc ærumnas, & molestias ex aduersis experitur, huic bonorum ci-

Vitiis ætatis  
miseria.

uium



uium propugnatio, huic malorum accusatio proposita est, huic inuidia, & amulatio à bonis imminet, à malis pericula & insidiae intenduntur: atas nunquam sibi ipsi non infesta, nunquam pacata, semper laboriosa, semper anxiosa, & sollicita. quæ si non aliquos interdum vel utilitatis, vel voluptatis fructus ex assiduo labore perciperet, seipsum profecto regere, ac tueri non posset. Sed miseriarum numerus multò maior est, magnitudo autem tanta, ut neminem à publicis procurationibus non auertere, ac detertere possit. Illustre præbuit exemplum vniuersæ ciuitati calamitas nostra, quam ex parta ciuium salute, ex defensis aris, ac focis, ex proditoribus à Reipublica, ac Populi Romani cernicibus depulsis contraximus. Sed nostra fuerit ærumna. ciuibus contigerit salus & quies, quam etiam vita ipsa profundenda, si opus fuisset, libentissimè redemissimus. Nihil necesse est mihi de ipso predicare. sed tamen verissimè affirmare possum, eos demum annos me verè vixisse, quos in præclaro aliquo patriæ vel commodo, vel ornamento consumpsi. ac si longius mihi vitam producere liceret non me aliâ causa ad diutius viuendum, quàm publicæ utilitatis studium curâque adduceret: quæ vna cogitatio in homine gloriosa, & laudabilis est maximè. Nunc quæ extrema de atatibus superest, quid ego de senectutis incommodis, ac miseris loquar? quas plurimas esse, & grauissimas, & non ipsum, langoris, calamitatisque plenissimum, indicat, & adpectus ipse senum hominum patefacit. quid est enim aliud senem videre trementem, incuruum, canum, imbecillum, infirmum, quàm cernere morientem viuum, aut viuens mortuum? At, si nonnullis visum est, magnam

Exilium M.  
Tullij.

Senectutis  
incommoda.



M. TVLLII CICERONIS

esse senilis ætatis consolationem, prudentiam, vñ rerū quæ-  
sitam, quæ illius ætatis propria est, eosdem illos fateri oportet,  
ex eo ipso fonte manare etiam ad senes non minimum  
doloris, atque molestiæ. qui enim se prudentem, rerūque  
agendarum peritum agnoscit, cur non doleat, quæ optimè  
intelligit, præ ætatis vitio optimè etiam perficere non posse,  
Et si patriam diligit, cur non angatur, quòd, quam consilio  
iuuat, opera etiam iuuare non possit? eoque maior prudenti-  
um dolor est, quòd optimorum consiliorum fructum nulla  
alia ratione percipi posse, quàm si optimè ad exitum perdu-  
cantur, intelligunt. quòd, nisi vir optimus patriæque aman-  
tissimus ad agendum accedat, prorsus inania sint futura.

Senum im-  
becillitas.

Omnium ho-  
minum gene-  
ra, graduque  
miseri.

Reges.

De ætatibus satis mihi videor dixisse. quid iam de ge-  
neribus hominum loquar, aut nunquid principes viros, &  
medios, & infimos æquè miseros esse negare possum? Reges  
ipsi quàm miseri sint, quantoque opere sollicitudini, timori,  
atque infidiis propositi, satis ostendit Dionysius, cùm im-  
minente capiti gladio Damoclem fortuna suæ felicitatem  
voluit experiri. nec mirum, cùm iis bellorum calamitates,  
agrorum vastationes, populorum cædes, urbium exitia im-  
mincant. quæ cùm eueniunt, qui victoria potitur, aliquid  
& ad gloriam, & ad imperium semper acquirit, sed tanta  
præterea rerum amissio, tantūque sumptus consequitur, ut  
magni constet victoria, ac plerunque præstiterit, nunquam  
arma sumpsisse: sin profligatio exercitus, aut clades aliqua  
contingit, nihil eo statim miserior ne cogitari quidem potest.  
siquidem captiuitati, inopiæ, luctui, contemptui coniun-  
ctus est. Sed fac Regem esse à bellorum impetu, & à castro-  
rum pulcre remotum: sua pacatè possidentem, nulla hostiū

incurfione vexatum. num iccirco tutior, & à miferius fecurior? quin immo, ut otium humana natura non fert, ipfe fibi moleftiam, ac follicitudinem exhibebit. nam aut de augēdis vectigalibus, aut de producendis finibus, deque Urbibus ad imperium acquirendis, aut de iungendis cum potentiorebus propinquitatibus, atque amicitiiis cogitabit. quæ qui animo agitat, nec à moleftia liber eft, nec alios fecuros, ac quietos effe finit. De Auaritia verò, maxima animorum peste, nolim hoc loco pluribus difputare: quæ indefide, atque otiofa mente quàm maximè exoritur. eaque erectiores animos, & altiores dignitatis gradus maximè follicitat.

Auaritiæ mala.

Huic generi infimum hominum genus opponitur: quod, ut nomine abiectiffimum, fic re quoque omnibus calamitatibus, atque angoribus eft propositum. Huic inopia, famines, contumelia, iniuriæ, eributorum folutio, militiæ incommoda, mifera denique omnia perferenda funt: eoque miferius eft, quòd ceteris omnibus, cum aduerfa fortuna premuntur, permulta tamen fuppetunt, è quibus confolationem, dolorisque leuationem petunt. at infimam plebem natura ipfa fatali quadam neceffitate tam abiecto, tamque imo loco collocavit, ut omnibus ærumnis fubiecta, nulla propemodum ratione erigi, aut fubleuari poffit. Ne mediocris quidem hominum conditio miferiarum experte effe cõgnoſcitur. nã inter ſummum, & infimum interiecta, alteri parer, alterum patitur. cui fi imperare poſſet, certè lōgins à miferia diftaret. Sed quia neque dignitate præſtat, nec ſummos viribus adequat, ſuo ſtatu contenta effe cogitur. Itaque multis in ciuitate perfungitur incommodis, non illis quidem parum Reipublicæ fructuoſis, aut valde

Infimum hominum genus miferimum.

Mediocris fortune hominis miferi.

Fœminarum  
conditio.

adferendū grauibz, atque asperis, sed quæ tamen animum sollicitent, & humanas miseras augeant. hac longiori oratione persequi, non est præsentis instituti, ante oculos omnia sunt, & nobis præcipuè re ipsa perspecta & cognita. Nec verò alia est fœminarum conditio. aut enim iisdem, aut parum certè diuersis & molestiis, & angoribus vexantur. nam & iisdem morbis, quibus viri animi perturbationibus mentisq; erroribus obiciuntur, eoque miserior illarum status est, quò mollior natura & ad propulsanda incommoda calamitatèsque perferendas infirmior. easdẽ, quas viri, ex parentum, fratrum, sororum, affinium interitu molestias, & dolores hauriunt: maritos sæpe fatuos, parũ de re domestica sollicitos, pecuniam profundentes nanciscuntur. ex quo paupertas, & luctus, quibus malis eò premuntur grauius, quòd non, vt homines, indagare possunt; quæ maxime ratione medeantur incommodis, rebusque suis consulant.

Quantum Tullia mea ex patris exilio doloris, quantum ex maritorum ærumnis, & difficultatibus luctus, molestiaque percepit? & quamuis optanda etiam minime pauca in vita viderit: malorum tamen paucorum sensus, vel doctissimis hominibus iudicantibus, ita acerbus est, vt bonis vel plurimis, & maximis æquetur, interdũ etiam præferatur. Per multa præterea in hoc genere sunt, quæ reticere præstat, quam edere. sed magna certè, vel hoc vno nomine, fœminarũ miseria est, quòd quamdiu viuunt, parere semper coguntur. aut enim innuptæ parentibus, & affinibus, aut nuptæ maritis parent, & seruiunt sic, quò minus libera, eò magis misera, nec vnquã libera, nisi è vita profectæ. ergo mortuæ

beatæ censendæ erūt. Nec sanè video, quid aptius dici possit. sed, ut ad nos ipsos redeamus: cui uxor cōtigit, is præter cō- Foram qui sunt vxorati conditio.  
munes omnium calamitates præcipuo etiā miseria genere premitur, quod nō solū suis, sed etiā domesticis vxoris, & familia molestiis, curisque vexatur. neque enim ab ea, qui cum archissimō matrimonij vinculo cōglutinus est, aut mente, aut cogitatione seiunctus esse potest. Itaque tot vexatus calamitatibus tantisque miseriis circūclusus hominis animus, quid egregiū, aut eximium suscipere, aut cogitare potest? mirum, nisi se abiiciat, ac veluti desperatione perculsus humi iaceat. Redeo igitur ad illud, quod initio dixi, neminē esse, Cōcludit neminem non miserum.  
qui spiritū ducat, nō miserum: neminē vere felicem. parumque sapiūt ii, qui hominē luendorū scelerū causa natū felicē, aut beatū audēt nominare. nostra enim, quæ dicitur Vita, mors est, nec unquā uiuit animus, nisi cōpage solutus corporis, liber æternitate potiatur. itaq; mortē in beneficij loco tributā à Diis immortalibus, iis, quos maximè dilexerunt, Vita hominis, mors.  
traditū est: ut cum, Herodoto auctore, Argia sacerdos, quod optimū filiis esset, à Dea præcata, eos reperit mortuos. mortē, autem, tāquam optimā, illis esse cōcessam, credamus sanè Appollini Delphico, qui exoratus à Trophonio, & Agamede, à quibus tēplum magnificè Appollini exedificatum Delphis erat, ut, quod esset optimum homini, tribueret, post diem tertium exanimēs sunt inuenti. quo munere iudicauit Deus, & Deus is, cui diuinationis partes à reliquis Diis sunt relictæ, mortē homini omnium rerū esse optimā, itaque excutitur iam, & euellatur funditus falsa illa multorum opinio, malam esse mortē: quandoquidem, vel Deorum iudicio, nō modò mala non est, sed omnium rerum optima, & Mors, non est malum.



omnium munerum, quæ humano generi dari possunt, præstantissima. præclare. nam & miseriarum omnium, quas viuentes pertulimus, finis est in morte, & vitatio futurarum, in quas progredientes in vita incurrunt. docemur enim exemplis à propagatione vitæ permultos optimos, & fortissimos cines incredibiles hausisse calamitates. immerentes dixerit aliquis: ergo non sunt in miseriis ponenda. nihil enim miserum, quod non culpa contractum. de hoc aliàs viderimus: sed calamitates certè fuerunt: quarum etiam unica cogitatio, quæ prateruolat, & effugit, non modò sensus, qui corpori firmitus inhaeret, acerbitatis habet plurimum. ex quo verè colligi potest, sapienter fecisse Thraces, qui, si Herodoto credimus, nascentibus liberis lugere, morientibus letari solebant. exitum videlicet vitæ, ut miseriarum finem, & quietis portum, probabant: vitæ initium, ut ingressum ad molestias & dolores inuiti videbant. Si ergo nascimur miseri, morimur beati: quis in hanc lucem edi velit, ut miseris opprimatur? quis non potius mori, ut beatam vitam acquirat? & si hoc nobismetipsis, ut optimum, vellemus: cur liberis, & affinibus, diuersum? an melius nobis, quàm iis, quos summè diligimus, esse velimus, aut potius beatè nobis, miserè ipsis & infelicitè? hoc certè nullo modo. quamobrem amanda mors semper omnibus, carissimis etiam optanda. Ac, si quibus mori præstat, quàm viuere, iis præcipuè, quos & acta cum virtute vita claros effecit, & mors, satis diuturna vita perfunctos, molestia afficere nō potest. Nasci verò non intelligo, quibus expediat. nam in arumnas miseriâque ingredientes quid gratum, quid hilare aspicimus? quare potius non offendimur? quod primus ille nascentium

Thracum  
mos.

Nasci mis-  
erum.



infantium vagitus, & eiulatus satis declarat. tributus enim est ab optima parente natura, quæ nihil inane solet efferre, ac potius iis rebus, quas efficit, admiranda semper edit vel pietatis, vel iustitiæ, vel prudentiæ documēta. Ex quo intelligi licet, non nasci longè optimum esse, nec in hos scopulos incidere vitæ. proximum autem, si natus sis, quamprimùm mori, & tanquam ex incendio effugere fortunæ. Sileni quæ fertur fabula, si grauioribus ludicra interdum admiscere liceat, idem certè confirmat. qui captus à Mida, missionem doctrina redemit. docuit autè Regem, nunquam nasci optimum esse, sed celeritatem mortis proximè accedere. idemque Euripidis testimonio, poeta sapientissimi, comprobatur. Sed Crantor noster patri, filij mortem agerimè ferenti, responsum ait datum esse in Pŷchomantio, filio suo benè beatèque esse, utiliùsque futurum fuisse, si etiam pater pari ratione fati concessisset. Quamobrem, si dolorum finem mors affert, si securioris & melioris initium vitæ: si futura mala auertit: si mœdetur præsentiibus: si nos ex plurimis vel morborum, vel molestiarum, vel acerbissimum periculis educit, cur eam tantopere accusare, aut dolorem ex ea deriuare velimus, ex qua potius consolationem, ac latitiam haurire fas esset? Nisi si, quod mortē subsequitur, nos fortasse sollicitos habet. de quo libet pauca dicere, ne hic vnus ad molestiam, dolorēque alendum angulus relinquatur. qui profectò insipientibus obŷciendus non est, nec in tanto argumentorum acervo, quibus mortē ipsam nobis obstringere conamur, committendum, ut hoc vno nomine minus nobis debere videatur. & quanquam hæc futuri post mortem temporis cura hominis propria non sit, sed Diis im-

Sileni diu.

Mortis com-  
moda.In eos qui de  
iis quæ post  
mortem sũc  
solliciti sunt

## M. TVLLII CICERONIS

mortalibus potius relinquenda, quorum nos vel liberalitati, vel sapientia permittere fas piūque esset: qui enim nascentium curam suscipiunt, qui viuentes protegunt, alunt, tuentur, fouent, cur moriētes deserāt? tamen aliquid etiam modeste de iis exquirere, nō est inutile. Necesse est autē, sit alterum de duobus, ut aut sensus penitus omnes mors auferat, aut in alium quendam locum ex his locis morte migratur. quod si morte sensus extinguitur, obitūque noster ei somno similis est, qui non nunquam etiā, sine visis somniorum, placatissimam quietem affert, quid lucri est emori? aut quod omnium tempus reperiri potest, quod ei tempori anteponat, cui similis futura est perpetuitas omnis consequentis ætatis? Sin migrationem malimus esse mortem in eas oras, quas ē vita profecti incolunt; quid optabilius, quā ad eos proficisci, quos mortuos uiuens dilexeris, & cum iis perpetua vita perfrui, qui, ut nos in laude uiueremus, & libenter moreremur, suis & præceptis, & exemplis tantopere laborarunt? mihi certē nihil videtur euenire posse gratius quā si mors aditum ad alia loca patefaciat, ad eos venire, & cum iis esse, quos & maximē dilexi, & nunquam non diligere ac laudare possum. Ad meos autem & affines, & amicos ut peruenero, quantopere labor? quæ iucundior collocutio, qui suauior vel congressus, vel complexus? O vitā verē vitalem, ut ait Ennius, omnibus bonis, ac gaudiis circumfluentē: sed beatā etiā mortem, quæ ad beatissimā vitam aditum aperiat. Me quidē, etsi dolore vehementer percussus & afflictus, his tamen monitis, & præceptis non mediocriter alleuari sentio. itaque neminem puto fore, quem non rationes, à nobis tam studiosè sapientum

Mors, et migratio.

pientum libris collectæ, et uuent, ac delectent, eoque magis,  
 quò leuiore erunt aliorum dolores, quàm hic, quo nos tan-  
 toperè vexati sumus. nam si amor, si pietas filia, si virtus,  
 si grauitas, si constantia, si cætera, quæ vix in fœminis spe-  
 ctari, nedum requiri solent, considerata sint: tanta facta  
 iactura, grauissimè dolere debuimus. sed vincat dolorẽ con-  
 solatio: nec iam, quid amiserimus, sed quatenus mortalẽ filiã  
 lugere deceat, cogitemus. Hoc nos in mœrore nostro, quòd  
 certè fortis est egroti, non solùm accipere, sed etiam exquire-  
 re medicinam. At, si quis erit, quem dolor à ratione auer-  
 terit, cui non satis firma videantur ea, quæ iam dicta sunt:  
 is se hominem esse meminert: nihil autem humanius esse  
 morte, ut, si mors ab ipso diuelli, atque auferri posset, diis  
 propior habendus esset, quàm hominibus, nec omni ex par-  
 te hominis nomen ipsi congrueret, quia communi, & præci-  
 pua hominis conditione non vteretur. præterea lacrymis  
 nihil profici, quæ si quid adiumenti afferre possent, non solùm  
 effundendæ, sed studiosè conquirendæ viderentur. Denique  
 non solùm iniuste, sed etiam turpissimè agere qui immodi-  
 cè doleat. turpitude enim peior est dolore: siquidem dolor  
 homini à natura insitus est, nihilque habet infamis, turpi-  
 tudo autẽ idcirco vituperanda, quòd aliquid semper indeco-  
 rum continet, culpa contractum. at omnis immodicus dolor  
 turpis est, & à viro alienus: quandoquidem, ut immodicè,  
 præterque rationem doleas, sponte efficis. ex quo culpa exor-  
 ritur, quæ homini maximè fugienda vitandaque est, ne co-  
 gitationibus molliissimis, quales interdum perdisse amantes  
 suscipere solent, nimium perturbemur, & effœminemur. quin  
 potius nos ad Homericæ præcepta referamus:

Tullie lauda-  
tio.

Mors est homi-  
ni naturalis,  
ergo non de-  
lenda.

Lacrymis ni-  
hil proficitur

Dolor im-  
dicus,

M. TVLLII CICERONIS

Corde agis sis firmo nec te submitte dolori.

Nāque aliquid grauius peiúsq̃ue aliquādo tulisti.

Nemo videlicet suorum funera experitur, cui non aduersa multa antea contigerint. ita variis omni ex parte incommodis humana natura concluditur: cur igitur grauiora, vel certè aequè grauiā fortiter passus, cū maximè occaluisse, et ad dolorem nouum obduruisse deberet, respondeas animum, seque mœrori tradat? quod etiam iniustum esse paullò antè dicebamus. natura enim usuram nobis vitæ dedit, tanquam pecuniā nulla præfinita die. quod si, cū liber, sua repetit, ea conditione commodata, ut restituenda sint, cur accusatur? aut, cur non potius naturæ gratias agis, quòd cū citius potuisset, tardius repetierit, quàm quòd aliquando repetierit, iniusta querela insequeris? certum est enim, non habitandi locum, sed commorandi diuersorium, nobis esse concessum, è quo cū migramus, alacres tãquam ex hospitio miseriarum atque incommodorum plenissimo egredi debemus, ac letissimo animo ad futuram vitam, tanquam ad patriam euolare. quod sapientes reipsa præstitisse memorantur. profectò enim, si quid est, quod morientes perturbet, aut morientium affines habeat sollicitos, id totum aut ex falsa quadam opinione oritur, quòd vitæ huius usum nimis utilem, ac incundum arbitremur, aut ex nimio in nosmetipsos amore caritatèque prouenit. Sed opinionem illam, quam rationes adeò firmæ conuellunt, libenter deponere debemus: ab hoc verò amore nimio tantò libentius abhorre, quanto indecentius est vitæ munere perfunctos velle etiam in vita, diis inuitis, commorari: communemque omnium, qui ante nos è

vixit usura.

Erronea opinio eorum qui suorum morte percutiuntur.



vita discesserunt, conditionem recusare: demum, tanta esse mollitie, tantæque impudentia, ut ne in morte quidem confirmemur, ac resipiscamus. Quod si nostrorum mortem dolemus, cogitemus aliquando, moriendum ipsis fuisse: mortem autem incertam esse, nec in hominis arbitrio positam, sed è deorum voluntate pendere: quos verò lugemus, eos quoque suorum mortem vidisse, patienterque tulisse: idcòque suo exemplo, quid nos facere velint, præcipere: denique id, quod ad consolandum maximum, ac firmissimum est, non eos nobis penitus ereptos esse, nec prorsus amissos, sed ad præfinitum tempus à nostris oculis, nostræque consuetudine remotos. itaque, cum ad eum vita terminum, quem natura præscripsit, nos quoque peruenerimus, statim eorum consuetudinem regustabimus, & ad suauissimam vel consuetudinem, vel conuietum redibimus. Mortem suis acerbam amarâque in moriendo esse, nonnulli existimant, atque ideo fortasse perturbantur. quod me quidem, sublati grauioribus dolendi causis, quas iam superiori disputatione reieciimus, minimè angit. ipse enim discessus animi à corpore vel cum nullo, vel certè cum modico dolore fit, & interdum sine sensu: nonnūquam etiam, si rectè sapimus, cum voluptate. Sed, quidquid sit, totum hoc ita leue est, qualia sunt ea quæ puncto temporis fiunt, nec, si mors paulò longior alicui contingat, desperandum est de deorum naturæque benignitate, quin eo quoque tempore properantem è vita discedere foueant, atque alleuent. cuius rei in morientibus sapissime signa minimè dubia, cernuntur: cum velut è somno, exciti, quo tempore extremum spiritum edituri sunt, ita gaudentes & alacres aspiciunt, ut libentissimè iudices è vita proficisci. quamob-

Mors à deorum pendet arbitratu.

Discessus animi à corpore qualis.

Gestus quorundam morientium.



M. TVLLII CICERONIS

rem ne hæc quidem ullam æquam doloris afferre causam possunt, qui certè comprimendus ac minuendus est, quòd, etiam si nolis, tempore tamen ipso extenuatur, & evanescit: non quòd minuendi doloris vis in ipsa die posita sit, sed quòd usus ipse cogitatioque diuturni temporis doceat, nihil esse in morte mali, ideòque leuiter, & patienter ferendam. Sed turpe stultumque est homini, tanta tamque varia rerum cognitione instructo, non à se ipso potius maturè, quàm sero ab usu, & cogitatione doloris remedia expectare: quæ tam firma sunt, ut neminem fore putem, quem non vehementer non iuuent solùm, sed etiam permoueant. mihi verò eò magis necessaria fuerunt, quò turpius visum esset: me, qui ceteros constantissimè consolatus essem, in meo dolore iacere: voxque illa exaudiri, & fortasse non immeritò, potuisset,

Videtur fuisse verbi Cicero ipse Epist. 26. pmi. libri 6. 13.

Hiccinne ille Cicero, cuius ob os Graij  
Ora obuertebant sua?

Philosophia  
ut.

Sed nos Philosophia aduersus omnes vel temporum, vel fortune, vel nature insidias munivit: quæ ita fortis est, ut nullius iniuria impetum extimescat: ita lenis & suavis, ut omnes acerbitates facillè mitiget ac molliat: ita demum utilis & fructuosa, ut totam se ad humanas utilitates liberalissimè porrigat atque explicet. nec verò secus debet. quæ enim humanarum miseriæ cumulum optimè norit, & acutissimè perspicit, si eas patiaturs manare longius, neque homini mærore confecto consilio præsidioque suo præsto sit: quid illo miseriùs? quid vita nostra laboriosius aut terrius? aut quid prodesset, ad spectum à natura ad supera erectum accepisse, ut cælum contemplari, ut Deorum ma-

iestatem cogitare, aut à Diis immortalibus mentem & rationem, ut utilia cognoscere, honesta à turpibus secernere, æqua amplecti, ab iniquis abstinere possemus, voce denique ipsa & oratione frui, quæ nullis animantibus concessa est, quæque ceteris omnibus, quæ sub cælo sunt, uiuentium naturis antecellimus: inania hæc uideri possent, si tam multis ex aduerso miseriis oppressa hominis natura neque se ad cælestia erigere, nec tantis bonis, quibus maiora esse nulla potuerunt, uti posset. sed profectò, ut contra serpentum uirus pharmacorum genera multa, contra inopie calamitatem solertia & industria, contra turpitudinis voluptatē pudor & uerecundia, sic contra doloris morsum philosophia nobis data est deorum immortalium cōcessu atque munere, quam ut nemo satis pro dignitate laudare queat, sic quam plurimi mentis tranquillitatem, animi moderationem, in voluptates imperiū, in acerba omnia summā quandā vim ac fortitudinē illi uni acceptā referant necesse est. Neque nos aut in exilio patiētes, aut in honorū cursu temperantes fuissetemus, aut nunc in tanto mœrore sapienter & fortiter uersaremur, nisi tuo philosophia optima rerum humanarum moderatrix beneficio. Tu uero felix & beata, <sup>Tullia cuius beata,</sup> Tullia mea, si quis tibi in morte sensus est, quæ tot tantisque miseriis, quibus proposita fuisses invita, una morte persūcta es, à presentibus malis expedita, ab impēdētibus erepta, & in tuto ac tranquillo quietis portu collocata. merito tibi mortē iucundam fuisse putem, cum uel ea bona, quibus uiuenti frui licuit, animo reputas, uel mala, quæ moriens uitasti, mente, ac cogitatione complecteris. Ego autem, cum te felicem iudicem, ac, si dicere liceat, pene oculis cernam, cur tua mor-

re ex crucier? potius la labor, ac tibi, tanquam de re optatissima, gratulabor, cui nisi molestum est, me iam etate confectum in tam perturbata Republica, tamque misero vitæ genere reliquisse, quid iam graue aut acerbum esse possit? Sed hoc quoque ratione ipsa leuius aliquantò efficitur: neque tu nunc, quid me perferre necesse sit, sed quàm non multò post tecum iisdem bonis vsurus sim, debes cogitare. nihil enim accidere valde graue potest iis, qui spe iam propinqua futuri boni recreantur, & aluntur. Sed nescio qui nos teneat error, aut miserabilis ignoratio veri. non enim tantopere bonis delectamur, quàm malis affligimur; ex quo fit, ut hæc etiam nolentes augeamus, bona autem, quæ fruendo, cogitando, gaudento maiora efficere expediret, etiam deteramus. quod certè minimè oporteret. nam, si serio disputare volumus, cur dolores resque aduersas refugiamus, quæ fortitudinem in nobis gignunt, & efficiunt? quæ si nulla essent, nulla profectò fortitudo agnosceretur. cur mortem horreamus, quæ assidua sui memoria, nos ut meliores simus admonet? nec patitur, ad ea nos animum adiungere, quæ aliquam nomini nostro vel intemperantia, vel iniustitia notam possint inurere. Bona verò, & ea quæ probantur in vulgus, cur tantopere appetamus? quæ consecuti, molliores plerunque ac deteriores euadimus. itaque his voluptatum lenociniis obruimur, ut discesum ex hac vita impendere, vix aliquando recordemur. Sapienter philosophorum princeps, & magister Plato: quæ sensus appetit, aut timet, nihil aliud esse, quàm somnia. itaque penitus contemnenda esse. mala verò ut viuuntur, ad æterna properandum: quò nisi confugas, vitari nunquam posse. at ad æterna ne properari

Non tam delectamur bonis, quàm malis affligimur.

Bona vulgo probata, nocent.

quidem potest, nisi morte ianitore, ac duce. Quorsum hæc? ut intelligamus, non modò à dolore vacuam, quietam, oportunam, bonam denique esse mortem, sed etiam summorum atque immortalium bonorum liberalem, ac beneficam ministram. itaque Cato sic è vita discessit, ut lætaretur, causam se nactum esse moriendi. Iam nemini dubium esse potest, quin vir prudentissimus, si sua morte lætatur, mortem etiam optimam esse agnosceret. Certè enim in re sua, quæ præsertim sensu percipitur, nemo fallitur. quod comprobare possum Artabani Xersis patrui, viri sapientissimi, testimonio. de quo est apud Herodotum, cum Xerses exercitus sui copias pene innumerabiles, ante se in aciem instructas intuens collacrymatus esset neminem ex tot milibus ad centum annos superstitem futurum, illum Xersi respondisse: at tam multa sunt, tamque misera, quæ vincentes perferunt, ut nemo sit, quin mori sapissime cupiat: cum incidentes calamitates, & morbi vitam adeò perturbent sollicitamque habeant, ut longissima videatur. itaque mortem perfugium esse ærumnosæ vitæ, dubitare nemo potest. nec his contentus addidit etiam illud: deos immortales, cum hominum vitam, quæ adeo misera sit, multis bonorum integumentis velarunt & operuerunt, fecisse quodammodo invidentius ne mortis suavitatem, quanta est, omni ex parte degustaremus. Amphiaræum fabula narrant Joni atque Apollini fuisse carissimum, neque tamen illum senium attigisse. ex quo quid aliud conici potest, quàm mortis celeritatem diuinum munus, & lucrum esse maximum? itaque scitum est illud comicum:

catonis mors vitronca.

Amphiaræus.



M. TVLLII CICERONIS

Nam quem tuetur atque diligit Deus,  
Iuuenis supremum mortis intrat limitem.

*Neminem enim, quem dilexerint Dij, patiuntur esse miserum. quare vitam eis, miseriarum plenam, adimant necesse est. quid autem contingere homini tam gratum potest, quod eum magnopere in vita retineat? voluptas, credo, quam ex alicuius siue artis, siue doctrinae tractatione percipit. at doctrina emulationem, omnium rerum molestissimam, si quæris, etiam dolorem parit. non tam enim delectamur, aliquid discantes, quam angimur, multò plura, ac maiora, quæ scire vellemus, penitus ignorantes. Artes verò, quas tenuiores tractant, quid habent voluptatis, aut quid non potius molestiarum, & mæroris? quanta inter eos, qui illas exercent, perfidia? quantum odium? quanta inuidia? aut quis est sua sorte contentus, & non alienæ siue industria, siue fortune, amator, osor, detractor? Sin civilem vitam quisquam appetit, & in Reipublica luce viuere pulcrum putat, is se exigua, ac pene nulla honoris specie magnas comparare calamitates certò sciat. quotus enim quisque est, cui nò publica administratio vel mæroris, vel iactura tantum attulerit, quantum verbis explicare vix queat? ac, si de toto vita cursu iudicare verè volumus, exitium videamus. Vbi optimi Reipublica administratores seu verius parètes, Miltiades, Ephialtes, Cimo, Themistocles, Aristides? quantum illis fides, charitas, integritas, constantia peperit miserie? ut non modò honoribus, dignitate, auctoritate spoliavit, sed etiam in exilium miserit. quod contrà oportebat, viros optimos patriæque amantissimos honore affici, in oculis ferri.*

*Scipio Africanus apud nostros optimam causam amplexus,*

*pauco-*

doctrina liberalet.

Artes mechanica.

Vita civilis.

africani mortis mors.



paucorum immoderata libidini repugnans, mane mortuus,  
 in lecto est inuentus. nec absuit suspicio, quin ab uxore, quæ  
 Gracchorum soror fuit, interfectores essent immissi. Metel-  
 lo autem Numidico, homine omnium clarissimo, ac præstā-  
 tissimo, quid miserius? qui, ne in legem perniciosam iura-  
 ret, in exilium abire sit coactus. fateor profecto, inter om-  
 nia exilij genera, atque omnes miseriarum causas maximè  
 honestam Numidici fuisse conditionem, cui probitas, inte-  
 gritas, in patriam charitas calamitatis causam attulerit,  
 sed tamen fatendum est, grauissimam fuisse calamitatem,  
 pelli patria, auelli à suis, bonorum direptionem, liberorum si-  
 ue mæstitiam, siue ærumnam videre. M. Regulum, C.  
 Marium, L. Brutum ob liberandam patriam interfectum  
 prætereo. nolim in iis commemorandis nimius videri, quo-  
 rum exitus nemo est, quin ex libris, imaginibus, fama deni-  
 que vulgari iam didicerit, quæ cum multa maximèque  
 graua sint, grauissimum tamen illud debet videri, quòd  
 homine ambitionis vinculis irretito, quique è popularibus  
 suffragiis totus pendeat nihil usquam infelicius reperiri po-  
 test. quantus in eo timor, quanta dubitatio, quantus cona-  
 tus, quanta sollicitudo? ut nullā illi à molestia vacuam esse  
 horam, non immeritò suspicari possimus. nam, si seruientis  
 ea est conditio, ut ex eius, cui seruit, moribus, voluntate,  
 ingenio propriam sibi fortunam fingat: qui populo seruiet,  
 auido, inuido, ignaro ad mutationem proclui, &c, quod ca-  
 put est, ingrato, num aliquando beatus esse poterit? an po-  
 tius, quoties de eius natura cogitabit, toties suam ipse cala-  
 mitatem, ac fortunam conqueretur? præclare vetus  
 Poeta.

Metellus nu-  
 midicus.

ambitiosa  
 vita, misera.

M. TULLII CICERONIS

Ex Senio.

Æterno mixtam luctu mortalibus vitam  
Olim constituit diuum pater, atque hominum  
Rex.

Vita hæc,  
mors.

Qui sibi ma-  
nus attule-  
runt.

Vitam ipsam  
miseram multo  
miseriorem  
reddimus.

Itaque quādiu hac luce vivimus, vivere quidē videmur,  
sed verius assidue morimur, aut saltē vitam verbo retine-  
mus, re ipsa amisimus. Equidē non video, quid in hominis  
vita valdē optandū, aut fœlix esse possit. multos potius, ne  
in maiora, quā qua humana cōsuetudo quotidie fert, ma-  
la inciderēt, mortē sibi dedita opera consciuisse scio. quod ta-  
men non iccirco dictum velim, quia probandum putem: sed,  
ut ex eo appareat, humana vita quā multis vndique  
prematuro difficultatibus. Cleomenes Lacedæmoniorū Rex,  
cuiusque filius, morte vltro appetita, præterea Theagenes  
Numātinus, qui, ne in hostiū manus veniret, primum suis,  
deinde sibi ipsi mortē attulit, quanto perē vita fugienda sit,  
satis vidētur aperitē declarasse. Ac nisi turpe videatur, ho-  
mines, à mulierculis, multo certē imbecillioribus, fortitudi-  
nis exēpla petere, repetamus ex historiis Asdrubalis uxore  
illam, quæ, Carthagine in hostiū potestate redacta, se ipsam  
cū tribus filiis in conflantis patriæ incendium immisit.  
Sed præter hæc, quæ iam testata sunt, & illustria, fateamur  
sanē ingenuè, tātā esse humanæ naturæ miseriam, ut ne-  
que genus ipsum hominū, nec è toto genere singuli miseriarū  
experies esse possint. quod eò magis mirandum est, quod non  
is solū malis, quibus hominis natura assidue affligitur,  
mala nostra prescripta sunt, sed ipsi nos, quantū in nobis est,  
miseriores quotidie reddere conamur. nullum enim aliud in  
toto terrarū orbe genus animantiū reperias, præter unū ho-

minē, quod in propriū genus, atque in ipsum seuitiam exerceat suā. meritōque Dicaearchus in eo libro, quē de hominis interitu luculentum & eruditū conscripsit, nihil habere dubitationis putauit, quin multo plures extincti sint homines ipsa hominū seuitia, & acerbitate, quā omni reliquo genere calamitatis. tanta est enim in permultis auaritia, tantū ambitionis, imperij, diuitiarū studiū, ut explendæ cupiditatis gratia nihil sibi nō licere putent. atque hoc malum nō iā angustus sinibus cōpressum videmus, sed superioribus seculis erupisse & chemēter, & manasse latius. non enim certū aliquē hominum numerū, sed regna ipsa, & totas persæpe sūdītus sustulit ciuitates. At, si ad singulos homines, quæ proxima ratio est, mentē cogitationemq; cōuerteris, ne in iis quidem quidquā reperies, quod valde appetere, aut approbare possis. finge enim animo quidquid homini felix, aut beatum ex opinione vulgari possit in vita cōtingere. congerantur diuitia, bona valeudo, honores, potentia, etiā voluptates accedant. cūm hæc omnia in hominem contuleris, nihil tamen tribueris stabile, aut firmum, nihil, quod nō repentinam, & assiduā pati mutationem possit. caduca enim & incerta sunt omnia, non in humanis consiliis, aut viribus posita, sed in fortuna temeritate, ac temporum visisitudine constituta. quid autem homini turpius, quā ē temporis ac fortuna mutatione pendere, & secundo illius statu subleuari, reflatu deprimi & affligi? aut latis rerum euentis gloriari, aduersis lugere, nec lacrymis temperare posse? quid iā intersit inter hominem mutāmque pecudem, si nos perinde atque illa, quibus rationem Natura denegauit, extrinsecus toti pendemus, in nobis ipsis nihil fortitudinis, nihil

Externis rebus non paratur felicitas.

Natura no-  
uerca homi-  
ni non ma-  
ter.

firmitatis, nihil habeamus constantiæ? Quamuis enim ho-  
mini non mater, sed verius nouerca Natura corpus fragi-  
le, infirmumque tradiderit, animum autem & in molestiis  
anxium, & in timore humilem, & ad labores mollem: plu-  
rimos tamen in seuit diuinos ingenij iudicijque igniculos,  
quorum auxilio & cum dolore luctari, & timori obistere,  
labores verò omnes nullo negotio vincere, ac perferre posse-  
mus. itaque tributum diuinitus mentis ignem, & prudenti-  
æ, non extinguere, sed sopitum fouere, atque augere debe-  
mus. Mors autem, progressis in vita longius si immineat,  
nihil est, cur magnopere commoueamur: quæ præsertim aut  
meliorem, quàm quo viuentes fruimur, aut certè non dete-  
riorem vitæ statum sit allatura. quis enim negabit, si ani-  
mus omnino intereat, extincto sensu nihil esse mali: pro-  
pterea quæ nullam iustam doloris causam existere? at, si  
vigeat, corpore solutus ac liber, quid iam illa vita beatius,  
quid diuinius? ex quo maxima & verissima lætitiæ ac  
voluptatis exoritur occasio. Itaque nihil iam restat, quò  
minus, optimam esse mortem verè affirmare possimus, tan-  
tùmque abesse, ut, cum adest, dolenda sit, ut nunquam fu-  
gienda, sæpe etiam optanda videatur. atque eò magis, quò  
diutius in vita homo permanferit. nam, cum iis bonis, quæ  
afferre vita potest, satiari cæperit, tum ab humanis mole-  
stis secedens, in beatissimam vitam commigrabit. non enim  
is ego sum, qui animum simul cum homine interire putem,  
tantùmque mentis lumen, è diuina natura delibatum, pos-  
se extinguere, sed potius, certo tempore emenso, ad immortalitatem  
redire. quid autem hominē magis deceat, quàm tam  
multis tamque firmis rationibus nixum, virilem animum

Mors senibus  
nihil mali  
affert.

Mors nihil  
affert mali.



retinere, *fæmineam mollitiem exsuerè ? qui verò mortuos* Fletu mortuos, muliebre.  
*nimis lugent, nec humanam conditionem magno elatòque*  
*animo despicere possunt, in eos illud probri plenum vèrè di-*  
*cetur:*

Vos etenim iuvenes animum geritis mulic-  
 brem,

Illaque virgo viri.

*Multa enim reperta fæmina sunt, quæ in domestico lu-*  
*ctu singularem animi præsentiam, ac magnitudinem*  
*præstiterunt. Sed virilis fortitudo, ut libidini, sic do-*  
*lori, non aliter, quàm seruo domina, imperare debet,*  
*eàmque coercere, ac frangere, tanquam vitiosam & im-*  
*becillam animi partem. quam si emergere patiatur, se-*  
*que paulò altius efferre, non modò rationi præcurret, sed*  
*etiam victrix in animo exultabit. quo nihil homini tur-*  
*pius, aut perniciosius ne excogitari quidem possit. Gorgias*  
*orator, iam ætate confectus, ac morti proximus, rogatus,*  
*num libenter moreretur: Maximè verò, inquit, nam tan-* Gorgie di-  
*quam ex putri miseræque domo latus egredior. O virum* ctum.  
*egregium, dignumq; cuius vigeat in omnium ore, ac mente*  
*sententia. quid enim potuit præclarius dicere? cùm mala,*  
*quæ viuentem pati necesse est, cogitaret, miseriarum finem,*  
*quas moriens relinquebat, adesse lataretur? sic par est lo-*  
*qui hominem, qui non libidine vexetur, non voluptatis il-*  
*lecebris irretiatur, nulli deniq; pareat cupiditati. quæ sum-*  
*ma est ratio & sapientia, humana necessitati imperare, non*  
*dolori cedere, non desiderio angì, nihil denique humanum*  
*extimescere.*

# M. TVLLII CICERONIS

Angi suorum  
interitus, flul-  
tum.

*Angamur liberorum aut affinium interitus? quid ita? ut  
stultos imitemur, qui, quæ mutari non possunt, quæque vel  
nolentes opprimunt, perferre nequeunt: saniores, quorum  
tam multa extant ad aternitatem illustria siue exempla,  
siue testimonia, negligamus? quid est aliud, cæcorum mo-  
re ambulare. Et cum in celebritate versari, ac Solis lumi-  
ne uti possis, solitudinem tamen, ac tenebras querere? iam  
enim ad eos, quos amulari satius est, quosque nobis imitan-  
dos proposuit antiquitas, nostra delabatur oratio. Mortem  
igitur in malis nullo modo esse ponendam, sed in præcipuis  
bonis numerandam, dubitaturum puto neminem. si enim  
à miseriis abstrahit, si in meliorem vitam inducit, si neque  
misera ipsa est, nec ullius particeps miseriæ, cur mala cen-  
seatur? sin hoc largitur, ut sempiternis bonis potiamur, vi-  
tæque, quam mortalem habuimus, æternam adipiscamur,  
quid morte beatius esse possit? itaque sapientissimos ho-  
mines accepimus non modò suorum morte non percussos,  
neque dolore ullo affectos, sed eti. m sapissimè lætatos es-  
se. Anaxagoræ, inter familiares suos de natura rerum  
differenti, filii mortem nuntiati, am tradunt: nihilque aliud  
ab eo responsum, nisi se illum genuisse mortalem. præclara  
verò vox, & verè digna, quæ à tanto viro emitteretur.  
non enim sanè video, quid sapientius, aut constantius di-  
ci posset. an adolescentem illum esse mortuum? fracti hoc  
animi, nec in rebus aduersis admodum firmi signum fuis-  
set. an agi sese non sua, sed filii causa? num igitur igno-  
rare se fateretur, quantis è malis elapsus esset filius? an se  
quidem dolere, sed tamen humanum casum agnoscere? ubi  
ergo hominis gravitas, iudicium, sapientia? aut quid ab*

Mors non est  
in malis po-  
nenda.

Qui fortiter  
suorum mor-  
tem pertule-  
runt.

imperitorum turba distabit? è quibus tamen sæpe multi nec  
 iis rebus anguntur, quæ necessario eueniunt, nec, quò mi-  
 nus eueniant, cùm communes omnibus sint, laborandum  
 ullo pacto censent. Ille verò sapiens, & verè Philosophus,  
 quem neque improuisus nuntius perculit, nec à disputatio-  
 ne abduxit, sed potius vocem expressit, summæ indicem for-  
 titudinis, ac sapientiæ. vellem & hoc ipsum de pluribus ex  
 nostris dicere liceret: quos si qua interdum fortuna op-  
 pressit iniuria, nihil aliud iudices, quàm prostratos illos, <sup>Impatien-  
 tiam quorundam  
 mor.</sup>  
 ac penitus abiectos esse. quasi verò aliquid acciderit, quod  
 vel ante ipsos nemini, aut, quod ipsis, si minus hoc tem-  
 pore, saltem paucis post annis non euentarum fuerit, ac,  
 cùm maxime animo vigere deberent, tum præcipuè non  
 solum præterita patriæque virtutis, sed etiam humane  
 legis, ac penè obliuiscuntur sui. tantum in eorum animis  
 mollities potest, ac seruitus quædam doloris atque tristi-  
 tiæ. An ego illum iudicare liberum possim, cui dolor  
 imperat? quem repentinus casus perturbat; impellit, euer-  
 tit? qui nihil præ doloris magnitudine, cogitare, nihil  
 meditari queat? qui nihil in se ipso, in temporibus, atque  
 in fortuna, quæ stabilitatis nihil habet, sua ponat omnia?  
 ego verò istam non modo seruitutem, sed penè captiuita-  
 tem, & quidem miserrimam, censuerim. quid enim interest  
 inter eum, qui victus ab hostibus, & carceribus conclusus,  
 obsideatur, & eum qui dolore captus, suo prorsus careat ar-  
 bitrio? at ille quidem, etsi corpore seruiat, animo tamen liber  
 est, nec dubitat aliquando fore, ut libertatem assequatur.  
 qui verò dolori paret, nec valet corpore, & animo quàm  
 maximè laborat. non enim amicis frui, non Reipublicæ

Qui minimè  
 liber est.

prodesse, non priuatas res curare, non publicis consulere potest. ita in otio, & quidem molestissimo, nec cuiquam pareret, & tamen sibi non imperat. qui cum assiduus, & maximis prematur angustiis, alterum esse necesse est, ut quamdiu in dolore versatur, semper miser sit, alterum fieri nullo modo potest, ut, nisi dolere desinat, à miseriis eximatur. Quando sapientius Xenophon, qui, cum sacra solemnia perageret, maioremque natu filium in praelio apud Mantineam cecidisse audiret, coronam tantum è capite deposuit, sed in sacris peragendis constanter perstitit. ubi verò cognouit, fortiter pugnantes occidisse, coronam rursus capiti imposuit, deosque ipsos, quibus litabatur, testatus est, maiorem se ex filij virtute voluptatem, quam ex obitu molestiam cepisse. huic ego non dubitarim, quin omnia, quaecunque accidere possent in vita, nullam essent perturbationem allatura. qui enim usque eò in deorum cultu constans, & firmus esset, ut neque filij morte nunciata, ab iis auocari posset, cur eum credam filij morte lugenda à Deorum voluntate dissensurum fuisse? aut qui virtutem, filij vitæ antepferret, non iure credi possit, illum & virtutis studio incensum, & patriæ charitate impulsum, omnes molestias, omnesque calamitates libentissime fuisse subiturum? sed quò rariores qui hoc modo animati sint, hoc præclariores viri. nihil enim ad laudem illustrius, quam in æternam gloriam, aut in patriæ utilitatem intuentem, aut saltem fortiter dolores perferentem, & cum fortuna luctantem negligere humana. quæ qui nimium curant, ijs laudis studium, ciuium commoda, denique omnia, quæ laudabilia putantur, prorsus è mente, ac cogitatione eiiciant, necesse

Xenophon is  
animus fortis.

Humana omnia subitus se habere, animi verè fortis est.



necesse est. neque enim humanis curis implicitus toto ani-  
 mo de patriæ salute, atque utilitate cogitare, aut laudem si-  
 bi præclaris actionibus comparare, vel egregii quidquam  
 suscipere, ac sustinere queat, suis autem commodis, ac ratio-  
 nibus prospiciens, & consulens cætera omittet, de seipso dies  
 noctesque cogitabit. ita nec boni ciuis, nec boni viri  
 fungetur officio. bonum enim virum decet, de cæterorum Bonus vir.  
 commodis æquè laborare, ac de suis: bonum verò ciuem sua Bonus ciuis.  
 omnia posteriora habere, patriæ commodis prima & maxi-  
 ma ducere. à quibus neque dolore, neque ulla omnino hu-  
 mana auelli perturbatione debemus. Periclem narrat hi-  
 storia intra quadriduum duobus filiis, eximia indolis ado-  
 lescentibus, esse orbatum, qui usque eò fortis, ac constans in  
 luctu fuit, ut nihil prorsus de pristino habitu cultuque de-  
 minuerit, sed eundem, quem antea, in concionibus habendis  
 morem ritumque seruauit, nec unquam coronam è capite  
 deposuerit. de quo traditum est, nihil eum putauisse indi-  
 gnus futurum, quàm si aliquod fracti animi signum mœ-  
 roris causa muliebri more edidisset. fortem sane hominem, Fortis homo.  
 & magna laude æternæque memoria dignissimum, quem  
 neque naturæ vis, ad nimium saepe amorem trahens, potue-  
 rit de statu dimouere, & ad dolorē abducere, nec liberorum  
 desiderium, quos tamen summè dilexisse dicitur, ulla ratio-  
 ne perturbaret, nec mirum. Vera enim fortitudo inanes sol-  
 licitudines eiecit, ac depellit: opprimit cupiditates, imperat  
 timori, nihil autem appetit forti viro indignum, nec ab ulla  
 re vel metu, vel inconstantia repellitur, & quamuis ex-  
 celsam elatamque naturam ratio ipsa, doctrinæ præceptis  
 imbuta, confirmet, quod Pericli doctissimo homini, maxi-

M. TULLII CICERONIS

moque ingenio pradito sine ulla dubitatione contigisse,  
 prorsus mihi persuadeo, ipsæ tamen fortitudinis radices in  
 animo præcipuè insident. qui cum humana despicit, nec ad  
 humilia, quasi humi depressus, ullo pacto adhærescit, facile  
 fit, ut uberiores, & maturiores fructus ferat, cum ad eum,  
 veluti ad agrum optimum cultura, ratio etiam accesserit  
 conformatioque doctrinæ. non enim, sensu omni doloris ca-  
 ruisse summos viros credendum est. qualis enim nihil sentien-  
 tis animi, sensuq; prorsus carentis esse fortitudo potuisset?  
 Sed dolorem sentientes, ad eum opprimendum, ac vincen-  
 dum summam animi contentionem adhibebant, tantum-  
 que nitebantur, ut è pugna discederent superiores. verum  
 enim illud est, nullam animo maiorem pestem, una remissio-  
 ne, posse contingere. qui si intentus est, seq. ad resistendum  
 parat, omnia sustinet pondera, omnia vel firmissima tor-  
 menta facile discutit ac depellit, at remissione enervatus,  
 & effeminatus, ita deprimitur & urgetur, ut se ad  
 æquitatem nequeat extollere. Nec verò quisquam do-  
 loris impetum excipere ac fortiter perpeti posset, nisi se prius  
 ad obsistendum comparasset, aut fortitudinem acquirere,  
 nisi prius doloribus multis acerrimè, ac fortissimè restitisset.  
 ex quo consuetudo fit, quæ callum obducit animo, nosque  
 contra omnes vel naturæ, vel fortune impetus armat. An  
 censemus Harpagum Medum tantum fortitudinis exem-  
 plum, quantum ab Herodoto memoria mandatum est, ede-  
 re potuisse, nisi prius in patientiæ ac fortitudinis exercita-  
 tione sapissimè versatus esset? nec sine maximo fructu,  
 magnæque potius cum nominis sui gloria. tantum enim for-  
 titudine, ac prudentia præstitit, ut acerbissimam iniuriam

Dedit non  
 prorsus carere  
 doloris sen-  
 su.

Remissus a-  
 nimus, mi-  
 ser.

Animus ad-  
 versus dolo-  
 rem præpa-  
 ratus.

Harpago Me-  
 di conitan-  
 tia.

sine ullo planè doloris sensu pertulerit, & sese cùmulatè  
 contra Regis immanitatem ulcisci potuerit. nam, cùm eius  
 filium Rex *Astyages* interfectum ad epulandum apponi  
 iussisset, caputque ei post cœnam allatum ostendisset, rogās,  
 cuius fera viscera in mensa comedisset, ille verò nihil per-  
 territus, nec animo ullam in partē deiecto, agnosco, inquit,  
 quid sit actum, ac quidquid Regi placuit, mihi quoque pla-  
 cere pronuntio. hoc autem immanissimum genus iniuria  
 tam diu dissimulauit, quoad *Cyrum* ex *Persia* in *Me-*  
*diā* euocare potuit. quo adueniente, cùm exercitus *Im-*  
*perator* contra eum à Rege missus esset, & Regnum &  
 Regem illi tradidit: itaque *Astyages* in *Cyri* potesta-  
 tem, impietatis suæ pœnas daturus, redactus est. O fa-  
 ctum omnium gentium ac sæculorum memoria dignissi-  
 mum, ex quo non modò qui dolori cedunt, ad patientiam ac  
 fortitudinem excitentur, sed etiam Reges, quique homini-  
 bus imperant, ne quid impium, aut indecens audeant, eru-  
 diantur. nam aduersus iniustitiam atque impietatem tan-  
 tum est odium, tanta inuidia, ut ne ipsum quidem cælum,  
 aut sydera, etiā si homines velint, huiusmodi scelera pati ac  
 dissimulare possint. ac, si fera deorum vindicta sit, noluerūt  
 tamen impios ipso in facinore adeò exsultare, ut non angore  
 consciētia, fraudisque cruciatu, tanquam domesticis furiis,  
 assidue vexentur. tantūmq; potest impietatis odiū, ut *Ty-*  
*rannum* extinctum, ac sauisimè excruciatū nemo misereat-  
 ur, nemo doleat. nā aduersus hoc hominū genus, nec in illo  
 præterea, omnē prorsus vim, omnēque stimulos amittit dol-  
 or: qui si ratione cōprimendus est, quod supra diximus, mul-  
 to etiā magis cōsuetudine vincetur: cuius tāg sūt vires, ut

Nullum cri-  
 men impunè  
 manet.

Dolor vel  
 ratione, vel  
 consuetudi-  
 ne vincitur,

M. TVLLII CICERONIS

non modò perturbationes animi sedare, sed etiam naturæ vim asserre, eamque sapissimè immutare, ac penitus aliam possit efficere. cuius auxilio non modò doloris aculei, sed etiã fortuna fulmina depelli ac contemni facile poterunt.

Nihil quod humanum sit, dolendum.

Meditemur igitur, & omnino statuamus, nihil prorsus humanum esse dolendum, non mortem, quam iam optimam esse cognouimus, non egestatem, quæ sapissimè maximi boni causa à diis immortalibus tribuatur, non exilium, cùm orbis terrarum omnibus pateat, non cetera generis eiusdem, quæ vulgi opinione grauissimis in malis numerantur. nullus enim tam graue malum apparebit, quin ex eo bonum aliquod multò maius, multòque optabilius magno deorum beneficio aliquando colligatur. Pleni sunt libri Philosophorū: referta argumentis, ac rationibus paginæ ferè omnes: tanta autem exemplorum copia, ut nihil possit esse cumulatius. quæ cùm ita sint, quæ iam re terreamur, aut cui dolori cedamus?

Dionis patiens animus.

Dion certè, qui è Platonis schola defluxit, cùm eius filius in atrium è seculo delapsus interisset, non modò non doluit, sed etiam in eo, quod tum forte agebat, constanter persistit. quo facto iudicauit & vir sapiens, & Platonis discipulus, quid ceteros, qui sapientes haberi volūt, facere oporteat. At Traheaspas multò fortius. siquidem filij morientis, cū ferro traiceretur, sine ullo prorsus dolore spectator fuit.

Traheaspas, seu Prexaspes potius, ut apud Herod. Thalia.

Cambyses enim iratus, & ebrius, cùm eius filium sagittis peteret, iamque pectus reclusum appareret, patrem iussit inspicere, num cor percussum esset. cui cùm pater respondisset, iam cordi sagittam esse infixam: tum Cambyses, numquid certam inquit habeo manum? at pater, nullo doloris signo dato, nec vsquam conuersa, aut commota facie, ne Apolli-



nem quidem, inquit, certiores sagittas emissurum crediderim. Quid hunc patrem putemus facturum fuisse, si filius in pugna fortiter dimicans occubisset, qui nullius culpæ consciūm filium crudelissimè trucidari non doluerit? num credamus, filij mortem honestam, ac pro patria susceptam, tali patri futuram fuisse iucundissimam? Nec tamen dubito permultos fore, qui impium illum, ac penè viscerum suorum carnificem vocent. Sed faciant sanè ut lubet: dum hoc mihi concedant, exemplum hoc fortitudinis ac deuicti doloris esse præclarissimum. Quod si ita est, ut infirmos animos spectata ceterorum virtus erigat, et confirmet, quem censeamus iam dolori concessurum, cum tam multos audiat, qui seipos in dolore superarint. quocirca, tam multa veterum exempla colligere, vereor, ne superuacaneum, aut fortasse putidum videatur. quòd si cæteris tantum, & nō nobismet-ipsis, scriberemus, fortasse breuiores in scribendo, in exēplis autem recensendis etiam parciore effemus: sed fit, nescio quomodo, ut ex aliorum casibus ad mala nostra sananda medicinam colligamus. nobis quidem ita videtur: et, cum nostro vulnere medeamur, mirari non debbunt qui hæc in manus sument, siquid fortasse paulo expressum uberius innenerint. Illud certè propositum habemus, ut omnibus nobiscum prodesse, omniumq; dolori, quàm accuratissimè fieri possit, consolationem afferre possimus. quamobrem his enumerandis nostram valde imminui, atque alleuari molestiā experimur: cæteris idem optamus, ac, si dicere liceat, etiam speramus. nam in tanta vel argumentorum, vel exemplorum copia, quibus se legentes pene obrui sentient, ecquis se immobilem, aut in dolore inexorabilem præbeat?

Multi seipos  
in dolore su-  
perarunt.

Ex aliorum  
casibus mala  
nostra sanan-  
da.

Et se & alios  
Cicero vult  
solari.

M. TVLLII CICERONIS

Defunt nonnulla.

Impatiens  
animus con-  
solationis.

Nec verò ignoro, nonnulla interdum accidere, quibus ita perturbetur, & opprimatur animus, ut à medicina refugiat. idque si vlllo in casu contingit, certè, cū dolore affligimur, maximè solet euenire quod ex eo sit, quod erepti vel amici, vel affinis, vel filii cogitatio adeò nobis grata est, quod illum penè ante oculos cōstituere videatur, ut, etiam si dolorem refricet, & lacrymas eliciat, tamen eam deponere nolimus. ac, si ad consolādum remedia suppetant, tamen nihil minus, quam consolantium verba audiamus. falluntur sanè grauitèr qui ita agunt: sed hunc errorem, quo magno pere delectantur, sibi extorqueri nolunt. Quare suum unicuique studium, suàque omnibus delectatio relinquatur. non enim vereor, quin, si minus in ipso doloris aestu remediis utendum homines censeant, certè, cū modicè dolor resederit, ac se paulum quasi remittere cæperit, ad extinguendas doloris reliquias monita præceptaque nostrà adhibeatur. nihil autè utilius est, quàm hæc eadem in voluptate, ac lætitiâ pertractare, atque in manibus habere. sic enim & legi, atque ad verbū edisci, & penitus memoriæ mandari possunt. ut, cū in animū penitus influxerint, tum exhauriri ac prorsus elabi, nō facile queant. ita sit, ut cū repente dolor inuasit, tū iis utamur, quæ, nisi antè percepta, & cognita sint, impetu ipso doloris incurrere, planè depelli, atque excludi solent. sensimus hoc in nobis ipsis: nec parū nobis ob-

cicero se im-  
patientem  
doloris fuisse  
sætetur.

fuit, hæc vniuersam aduersus dolorē commentationem non multò antè animo, ac mente percurrisse. quamvis enim permultos Philosophorū libros, vel de luctu, vel de morte satis accuratè legissemus, ut Theophrasti, Xenocratis, aliorum,

quos commemorare nihil atinet: tamen hoc non idè feceramus, quòd euēturum putaremus, ut iis ipsis in nostro mœrore uteremur. itaque neque lectionem, quātūm opportuisset, accuratam, nec memoriam satis intentam adhibuimus. casu autem repentino oppressi, non prius ad libros confugere potuimus, quin antè acerbitatis vi prosterneremur. quanquam postea tēpore ipso factum est, ut dolor nec, ut antea, acrior, & mens ipsa paullo esset sedatior, & ad medicinam accipiendam magis idonea. Sed pergamus ad reliqua, quæ nec multarestant, & scitu, ac cognitione dignissima: fructu autem ipso, quem præcipuè quærimus, gratiora fortasse & vberiora. Quid est ergo, quod aliquam nobis asferre dubitationem possit, cur nihil omnino nostrorum morte dolere debeamus? credo, si quando nobis in mentem venit, magnam nos ex eorum, quos amisimus, opera, ac studio utilitatē percepturos fuisse. at hoc nō ad amicos, aut affines, quorum dolere videmur interitu, sed ad nosmetipsos pertinebit. mercenarius igitur dolor fuerit, quique nō ex affinitate, aut beneuolentia, sed ex una proueniat utilitate. quid autem flagitiosius, & indignius, quàm eum, qui sic doleat, fateri oportere, cū tātopere alicuius morte crucietur, quòd aliqua utilitate priuatus sit, si nihil ex eius vita beneficii, ac cōmodi se consecuturum sperauisset, nihil sibi omnino dolendum fuisset? At videamus, nō Persas, aut Scythas, sed è media ciuitate nostra clarissimos, & præstātissimos viros, ac cines, qui nō modò amicorū, cū quibus coniunctissimè vixerant, sed etiā liberorū, & quidem carissimorum, interitū ita fortiter, & constanter tulerunt, ut caussa nihil sit, quin eos superioribus Græcis comparare, atque etiā anteferre debeamus;

Nihil dolere  
nostrorum  
debemus  
morte.

Exēpla Rō-  
manorum  
qui suorum  
mortem non  
doluērunt.

atque hoc multò magis in illis mirandum fuerit, quòd in eorum obitu se fortissimos, & constantissimos prabuerunt, qui non modò ipsis utilissimi, si vixissent, sed penè soli utiles ac iucundi esse potuissent. quid enim utilius filio? Quid iucundius vnico? at filium, & vnicum Q. Fabius, præterea Consularem, qui iam magnas res gesserat, & maiores cogitabat, amisit. neque solùm non doluit, quod fortissimi animi fuit, sed etiam mortuo laudationem in foro dixit: quo nihil fortius, aut laudabilius ne ex omni quidem antiquitate recenseripotest. cuius orationem quis non admiretur insignem ingenij, iudicij, ordinis præstantia? quo modo ille vel ea, quæ dixit, sine luctu dicere, aut, quæ scripsit, sine dolore cogitare potuit? cùm præsertim hoc in illa laudatione & admirari, & obstupescere soleamus, quòd non, vt alij, de cæterorum fortitudine disputat, vt suum ipse dolorem aliorum exemplo minuatur, sed in filio hæres, illius maximè virtutes, propriasque laudes, quæ vel acerbiorè efficere doloris sensum poterat, longissimo sermone persequitur. quod singularis virtutis exemplum fortasse Horatii Puluilli laudem magna ex parte deminuere videatur: què tamen summum virum silentio præterire nefas ducimus, cùm in eo ipso, quòd filij mortem æquisimo ac fortissimo animo tulit, etià Joui Opt. Max. cuius ædem dicabat, gratissimum fecisse videatur. nam Pontifex, inter solennium verborum nuncupationem, postem tenens, vt filium mortuum audiuit, neque manum à poste remouit, ne sacra dirimeret: nec vultum à populo auertit, ne suum potius dolorem, quàm populi utilitatem, ac salutem, cogitare videretur. Jam, quid L. Paullo insignius, quid illustrius? qui filios paucissimis diebus duos ita per-

Q. Fabius  
Maximus,

Horatius  
Puluillus,

Paulus ac  
milius.



ita perdidit, ut nullum penè doloris paullo acrius indicium ediderit. ac potius in ea concione, quam de rebus à se gestis ad populum habuit, latatus est, quidquid Populo Romano immineret aduersi, totum id in se ipsum à Diis immortalibus esse conuersum. Cum Sulpitio verò Gallo quis neget actum esse praeclarissimè? cuius innocentiam, sapientiam, militarem virtutem, etiam insignis in obitu filii fortitudo illustrauerit. quem ut nunquam lubens tacitum dimiserim, sic ad Catonem properans exsultare videtur animus, & quasi in portum ex horrida tempestate delatus, in sapientissimi viri nomine atque exemplo conuiuere. neque enim maiori mihi admirationi esse solent clarissimi hominis res gestae, ac virtus, non solum in luce patriae, sed etiam in congressu hostium cognita, quàm fuit illa in filii morte, praetoris designati, in oculis omnium ciuium fortitudo declarata. Atque horum egregia in domesticis miseriis, atque aruminis facinora qui fortiter in ciuitate nostra imitati sint, casusque fortuna grauissimos patientissimè tulerint, non difficile fuerit oratione complecti. nam & Quintus Martius Rex cum unicum summæ pietatis, summæque virtutis filium amisisset, dolorem prudentia peruicit, & eo ipso die, quo filii rogum spectarat, Curiam ingressus est, Senatûque iussit conuenire. Crassus verò in eo praelio, quod cum Parthis commisit, occiso filio tantum absuit, ut doleret, ut etiam exercitum increpauerit, quòd unius militis iactura tantopere commoueretur, hortatûsque sit, ut patriæ virtutis memores, pro Repub. fortiter dimicarent, filij mortui ultionem sibi uni relinquerent. Sed antiquior P. Crassus, vir clarus, & consularis, P. Crassi filii mortem

Sulpitius  
Gallus.

M. Cato.

Q. Martius  
Rex.

M. crassus.

P. crassus.

M. TVLLII CICERONIS

Et vidit, & moderatissimè tulit. Nec ab eius laude ab-  
en. cepio. fuit, ac fortasse Crasso prastitit, Cn. Cepio, qui Capionem  
 filium naufragio absumptum ita non doluit, ut eum ne le-  
 uiter quidem è vultu, aut ulla corporis parte commotum è  
 familiaribus quisquam ullo pacto senserit. Jam quid Piso-  
 nes, Scauolas, Brutos, Marcellos, Metellos, Lepidos, Au-  
 fidios enumerem? quorum singuli pluribus amissis filiis,  
 vel uxoribus, vel parentibus nec lugendum existimarunt,  
 & suam in illorū funeribus virtutem, atque constantiam  
 non sibi solū, sed etiam generi, nominique Romano glo-  
 riosam fore putauerunt. Pudet in virorum grauissimis ca-  
 sibus repetendis longiori uti oratione, cum virorū maximè  
 peculiaris virtus sit, & in viris efflorescat ac vigeat maxi-  
Feminarum  
virtus. mè. quamobrem de fœminis potius dicendum est, ut cum eas  
 fortissimas fuisse cognitum sit, tum pudeat viros, à mulier-  
 culis virtutis exempla petere, & ab iis ea virtute, quæ ipso-  
 rum propria esse debeat, videri aliquando superatos. nam, si  
Theophrasti  
dictum pr-  
clarè. verum est quod à Theophrasto alicubi proditum memorie  
 mandauimus, orbem terrarum Theatrū quoddam esse ma-  
 gnum, diuina mente repletum, & cœlestis indicandæ sapien-  
 tiæ gratia tam multis undique collucentibus ornamentis il-  
 lustratū ac depictum, in eo autē medio collocatos esse homi-  
 nes à Deo, ut cum fortuna, dolore, morbis, egestate, casibus-  
 que permultis assiduè luctentur: Deum verò ipsum, quan-  
 tum quisque pugnando valeat, quàmque viriliter fortitu-  
 dine diuinitus accepta utatur, desuper aspectare: hoc, in-  
 quā, si verum est, dubitari profectò non potest, quin quēad-  
 modū Populus Romanus in muneribus publicis inuisos ha-  
 bet gladiatores, qui omni modo vitam impetrare cupiunt,

fauet iis qui contemptum eius præ se ferunt: itidem Di immortales, si quos ex hominibus nimis anxie de vita sollicitos, eiusque exitum detrectantes aspiciant, iis aliquo modo succenseant, eos verò & caros habeant, & muneribus prosequantur, qui si e vita reuocentur ipsi, vel suos reuocari videant, alacres lætique Deo pareant, nihilque propterea mali sibi accidisse iudicent quod si fœminas præstitisse intelligimus, cur iis imbecilliores, atque infirmiores videri velint viri? neque solum unam aliquam è multis fœminam, sed totam gentem, ac nationem, vt marium virtute, sic fœminarum eximia quadam magnitudine animi præstitisse accepimus. Lacenas enim matronas traditum est, occisis filiis vulnera inspicere consueuisse. ac si aduersos vulneratos esse comperissent, lætitudinis funus ducere, eosque in auita sepulchra inferre solitas esse, contra verò, quos auersis vulneribus concisos agnoscebant, ab iis refugientes, clam sepe liēdos curabant, nec ullo prorsus honore funeris prosequēdos statuebāt. tantū in fœmineis quoque animis decus poterat, & studium gloriæ, qua ex gente etiam illud ad nos præclarum dimanauit, matrem quandā filii senis confossum vulnerebus, intuentem nec ingemere voluisse, nec coronam è capite deponere, sed ad comites cōuersam, ita locutā, Quāto pulchrius, & optabilius est, in acie victorē animā efflare, quā in Olympio certamine parta victoria viuere? at alia filium in prelio interfectū audiēs, Iccirco, inquit, genuerā, vt mortem pro patria fortiter occūbere nō dubitaret. Quid his fœminis facias, aut, quo nō honore, ac gratulatione dignas putes, qua de patriæ dignitate, dēque gloria sollicitæ, honestā mortem cuius saluti, ac lucro anteponerent? Age verò, nū Lacenis

Diis chari  
qui mortem  
non reformi-  
dant.

Fœminæ  
fortes.

Lacénarum  
mulierum  
virtus, &  
mos.

Lacénæ  
eiusdem  
fami-  
liæ.

Vox Lacénæ.

# M. TVLLII CICERONIS

Romanarum  
mulierum  
fortitudo.

cornelia  
Gracchorum  
mater.

Rutilia.

clodia.

Fortissimis  
viris genitos;  
fortes esse  
debet.

Quorum vir-  
tute parca &  
auita Resp.  
Rom.

Romanarum virtus inferior? par fortasse, nisi malis etiam  
superiorem appellare. quàm fortis enim, & quàm magni-  
fica illa Cornelia vox, quæ Duodecimo iam sætu a-  
misso, cum Tiberium & Caium filios interfectos spectauis-  
set, nullo timore perculsa, nulloque dolore confecta, Nun-  
quam, inquit, ego me non felicem dixerim, quæ Gracchos  
pepererim. fortem verò fœminam, & cuius ex veteribus  
mentis præstancia, ac magnitudine animi conferendam. non  
enim dolori cōcessit, sed potius, cum virtute vicisset, victrix  
de dolore triumphum egit. Nihil iam Rutiliam miremur,  
quæ C. Cottam filium in exilium secuta, cum postea reuer-  
sum in patriam amisisset, nemo eam lachrymatem post ela-  
tum funus vidit. parique fato Clodia vsa est, quæ Decium  
Brutum filium, consularem, mortuum superstes vidit, ne-  
que tamen eius obitum non fortiter, & patienti animo  
tulit. quæ virtutis non vulgaria in fœminis exempla mi-  
rari aliquis possit, qui sexus imbecillitatem, ac mollitiem co-  
gitet. at verò, qui fortissimis genitas parentibus, & fortibus  
etiam avis maioribusque prognatas recordatus fuerit, nihi-  
lo ab eis minorem vel prudentiam, vel animi magnitudi-  
nem requirat. Est ergo vlla res tanti, aut commodum vl-  
lum tam expetendum, ut, illo amisso, ne prudentiam qui-  
dem retineamus? quæ si vlla in nobis residet, nos profectò  
vel auita, vel patriæ virtutis admonet, nec de Pisonibus,  
Fabiis, Brutis, Marcellis cogitantes, quos imitemur, & à  
quibus ortū ducamus, immemores esse patitur. Horū enim  
armis imperii fines producti sunt, horum sanguine parca ac  
stabilita libertas: horum denique labore, ac studio Respu-  
blica ad tantam peruenit siue bellicæ laudis, siue domesticæ



virtutis gloriam, quorum in vestigia pedem ponere oportet  
 qui laudabiliter vivere, quique honestis in actionibus  
 exerceri volunt, nec ullo mentis errore ad nimium dolorem  
 atque insaniam traduci. Nominauimus externos magnos,  
 clarosque viros, collegimus de nostris plurimos, quibus mor-  
 tis sensus non modò ingratus, sed etiam optatus, & iucundus  
 accidit. Addatur, si placet, etiam Theramenes, qui veneno Theramenes.  
 epoto, maxima equitate animi, ludens in morte, quod erat  
 in poculo reliquum Critiae propinauit. Ergo ille in sua mor-  
 te vir clarus, & sapiens ludebat, nos in filiorum aut affinium  
 morte lugebimus? & veterum dicta quotidie legentes, at-  
 que addiscētes, praelara ducemus, exempla repudiabimus?  
 aut eam vitam, quæ mortem hanc consecutura est, immor-  
 talem, beatam, à miseris omnibus vacuam, negligemus?  
 quamuis enim nudum corpus, & exanime discedens relin-  
 quat animus, nec amplius liceat homini, qui è vita disce- Bona mor-  
tem sequu-  
tura.  
 dat, suis opibus, bonis, diuitiis perfrui,

Astante, vt ille ait, ope Barbarica,  
 Te & is cæclatis laqueatis,

Tamen multò maioribus & bonis, & opibus, quæ nulla  
 vetustas absument, nulla vis eripiet, piorum mentes assidue  
 potiuntur. Sed dimittamus & exempla clarorum hominum,  
 & illorum virtutis impressam historiis memoriam: venia-  
 mus ad id, quod unusquisque sensu percipit, quantumque  
 ex morte consequamur emolumenti, ac commodi, re ipsa fa-  
 ctisque probemus. ex qua docendi, ac disputandi ratione  
 perspicue veritas elucescit, quidque hoc modo se habeat, vel  
 illo, facile potest perspicui. Si quisquam est, qui secundos in Nemo esse  
diu felix po-  
test.

F iij



omni vita rerum exitus adipisci, & consequi possit, nihil-  
que timeat aduersi, hunc nemo inficiari poterit, iure dictu-  
rum, si vitam sibi morte multis partibus meliorem affirmet.  
atqui nemo est, qui non modò miseras, atque æruminas ab  
humana vita segregare, sed re semihoram quidem felicem si-  
bi, ac beatam pelliceri possit. Metelli sibi fortunam spe-  
rant omnes: Priami Sobolem, ac Regnum exoptant alij:  
quasi non & Metellus tam multos nactus filios, ac nepo-  
tes, cum maximè beatus esse posset, inuitus obierit, & Pria-  
mum non omni orbarum progenie, summòque dolore con-  
fectum, hostiis manus interemerit. His vitam si mors ali-  
quot antè annis ademisset, & multis eos miseriis ac luctibus  
simul eripuisset, quos iccirco experiri sunt, quia vitam diu-  
tius, quàm ipsorum requirebat felicitas, produxerunt. hinc  
illa miserabiliter decantata:

Nemo non  
felix esse  
vult.

Metellus.

Priamus.

Hæc omnia vidi inflammari,  
Priamo vi vitam auferri,  
Iouis aram sanguine turpari,

Quæ non modò visu, sed etiam auditu acerbissima sunt,  
quid putamus misero Regi, qui omnia & videre, & audi-  
re, & experiri coactus est? num ei multò melius euenisset, si  
vitam omnino multis antè annis, quàm hæc acciderent,  
amisset? Forsitan quispiam dixerit, multa, quæ viuens  
nactus est, bona, cito decedens, penitus reliquisset, sed à  
malis etiam multò grauioribus, qualia multa sæcula non  
viderūt, felicissimè liberatus esset. ex quibus omnibus, mul-  
tisque aliis perspicuum est, peruertere homines ea, quæ  
sunt humanæ fundamenta felicitatis, cum utilitatem à

morte seiungunt, aut cùm miseriam cum morte conne-  
ctunt. L. Crassum, ex nostra ciuitate clarissimum, & elo-  
quentissimum virum, matura mors, quantis è molestis  
quantisque incommodis eripuit? nam, quæ in patriam pie-  
tate fuit, ex iis malis, quæ mortem eius consecuta sunt, in-  
credibilem si vixisset dolorem accepisset. flagrauit enim bel-  
lo Italia, exarsit Senatus inuidia, nihil denique in ciuita-  
te fuit, quod non eius temporis calamitatem luctumque  
persenserit. Nam quid fugam Marij, quid cætera, quæ in  
illius discessu acciderunt, maximè luctuosa, summæque mi-  
seranda commemorem? quid reditum illum sanguinarium,  
cuius ex recordatione nemo est, qui non intimis sensibus ex-  
horrescat. tenemus enim memoria, aut saltem ex patrum  
scriptis accepimus, crudelissimam omnium cadem illo tem-  
pore esse factam, trucidatos bonos viros, & ciues, incisas  
eorum ceruices, in Rostrisque positas, qui multorum ciuium  
salutem, ac dignitatem eloquentia peperissent. quàm mul-  
tos ex illa Reipub. tempestate commemorare possumus, in-  
nocentissimos homines, atque optimos, ut acerbissimam ca-  
lamitatem effugerent, libertatem morte quassisse. O acerbū,  
ac nemini non pœnitendum Reip. statum conditionemque  
viuendi, cùm eos ipsos, qui Rempub. suo labore, suoque  
sanguine auxerint, iuuarint, seruarint, nusquam tutos, ni-  
hilque magis, quàm propinquorum manus ac gladios, timē-  
tes, horrescētēque videas. illorum autē, quorum ope, atq;  
auxilio seruatus sis, cùm horribiles, miserosq; casus spectes,  
nulla tamen ratione opitulari, nihilque afferre adiumenti  
queas. quis neget iis ipsis, qui hæc intueri cogātur, mortē esse  
non modò detrectandā, sed etiā optandam: qui autem, ne in

L. crassus  
opportune  
mortuus.

cruenta ca-  
des Mariano  
rum & sylla-  
norum.

casus miseri  
vitorū opti-  
morum.

# M. TULLII CICERONIS

horum temporum flammam incendant, mortis beneficio consecuti sint, eos verò beatissimos iure omnes existimabunt, qualem fuisse L. Crassum, nisi res ipsa probauisset, nihil esset, cur oratione persuadendum videretur. Sed hæc paulò antiquiora, quàm, ut omnibus in memoriam redigi, ac cogitatione comprehendendi possint. Pompeii autem nostri familiaris casu, quid in ciuitate notius, quid illustrius? aut quid omnium oculis, ac mentibus, perspectius, & clarius? hunc, si mature extinctus esset, nihil doloris, nihil inuasisset mali. quòd tam diu in vita mansit, iccirco factum est, ut singularis calamitatis exemplum omnibus præbuerit, cui eò luctuosior fortunæ acerbitas visa est, quòd feliciore, ac secundo fortunæ in omni vita usus erat. quis enim vniuersis ciuibus aliquando carior? quis in toga vel rebus gestis, vel honoribus, extra ordinem delatis, clarior? quis opibus, propinquitatibus, amicitiiis florentior? cui nihil prorsus ad summam absolutamque felicitatem, præter honestum, ac iucundum vitæ exitum, deesset. Sed videamus, quantum in rebus humanis fortunæ possit iniuria. nisi malimus ad propriam mortalis vitæ nimis asperam, miseramque condutionem omnia mala reuocare. qui enim amplissimis fortunis usus erat, qui nihil, nisi sublime ac beatum nec cogitare, nec optare consueuerat, cui omnia vel ad usum, vel ad voluptatem supererant, bellum cum socero suscepit, deseruit domum, profugit ex Italia, & cum antea nihil in cæteris bellis, nisi summo consilio, prudentiâque gessisset, cum vel maxime ingenio, iudiciòque excellere debuisset, sui pene oblitus est. itaque imbelles, & infirmas copias, tirones, collectiuiosque milites cum robustissimis legionibus conferre

non

Pompeii casus miserimus.

Pompeii laudatio.

Imprudens Pompeii consilium.



non dubitauit: & amisso exercitu ereptisque castris turpissimè victus, in seruorum manus vir summus, & clarissimus incidit. vita verò ut miserabiliter priuatus sit, commemorare nihil est necesse: cum eo ipso, quòd, in uiam miseram fortunam delapsus, vitam citò amiserit, minus fortasse miser censerì possit, beatissimus autem obiisset, si, cum in Repub. florebat, cum valebat auctoritate & gratia, cum copiis opibusque affluebat, è vita decessisset. cuius propagatio quantum illi mæoris ac luctus attulerit, non modo scribendo, sed vix etiam cogitando consequi quisquam possit. itaque hoc stabilito, & fixo, mortem sapissime beatam homini contingere, non solum, quòd nos in beatam vitam inducat, sed etiam, quòd multarum, magnarumque miseriarum sensu liberet, & à futuris vel calamitatibus, vel doloribus abstrahat, quid iam relinquetur, cur non morte latari, ac clarorum hominum virtutem, qui nullius interitu perturbati sunt, imitari debeamus? An non optimam beatamque mortem iudicabat L. Brutus, cum Tyrannū arcens, quem expulerat, vitam pro nihilo ducebat? item Decij, quo tempore, cum Latinis pro patria dimicantes, sese hostium telis obiciebant? præterea Scipio, Paullus, Marcellus, Albinus, quos vitam in acie iuuanda patriæ causâ fortissimè profudisse memoria proditum legimus. Et verò nihil fuit, quamobrem elato excelsoque animo homines vitam non despicere, ut sempiternam gloriam consequi possent. nam cum nullo, vel certè minimo doloris sensu, quem morientes perferunt, infinitam laudem commutabant. hunc enim locum de exiguo, vel nullo potius dolore mortis, quem supra perstrinximus, paulò vberius percutramus. Neque enim

Letandum  
morte, claro-  
rum viro-  
rum exemplo.

M. TVLLII CICERONIS

Quib⁹ rebus  
similis mor-  
tification &  
mortuorum  
conditio.

absurde dixisse mihi videtur is, qui morientium mortuorum-  
que hominum statum, & conditionem duabus potissimum  
ex rebus percipi atque intelligi posse affirmavit, quatum  
unam somnum statuit, alteram verò tempus illud, quod  
nostrum cuiusque orium antecessit. & sanè ita est, ut ex om-  
nibus opinionibus, quarum errore duci vulgus solet, cum de  
morte loquitur, nulla planè ad veritatem videatur esse pro-  
pensor. ita enim multi vivunt, ut presentibus bonis fruan-  
tur, nec sanè cogitent, quid paucis post annis vel ipsis, vel  
ceteris boni aut mali possit evenire. Ita que sepe non opina-  
tis morbis, perturbationibus, angoribus vexantur. mortis  
verò, de qua potissimum cogitare debuerant, ita non remi-  
niscuntur, ut ad se minimùm illam pertinere, nec sua quid-  
quam interesse existiment. qui, ut Panætius Africanus di-  
cere solitum tradit, ferociore equos domitoribus tradendos  
esse, ut paulatim parere, seque mitiores, ac molliores prebe-  
re incipiant. sic ipsi in gyrum fortitudinis ac patientiæ redu-  
cendi sunt, ne, si mors imprudenter oppresserit, perterreatur,  
planèque concidant. Sed nescio quomodo voluptate, luxûq;  
delinita hominum consuetudo de recta maiorum via defle-  
xit, eoque sensim delata est, ut nihil minus, quàm verum a-  
gnoscat, nec, cum aliquid agitur, rectum id nec ne sit, magno-  
pere cogitet qua nulla maior pestis ac perniciēs humanis re-  
bus, valde iam labefactatis, potuit afferri. atqui, si in vlllo  
homine, certè in his ipsis vulgare dictum & verum, & acu-  
tè cogitatum esse deprehenditur. quid enim isti aliud agunt,  
nisi totos dies per inertiam perdunt, atque ita vivunt ut ster-  
tere potius, quàm vlllo pacto vivere videantur dormiēs au-  
tem ut nihil sentis, nihil agit, nihil curas, sic mortuus quid

Mors somno  
similis.

agere, quid curare, aut sentire possit, haud sanè intelligas. itaque in fabulis, quos Dij maximè adamarunt, eos, ne imminentem aliquam calamitatem sentire cogerentur, si vigilassent, à Diis immortalibus consopitos esse accepimus. mortem igitur, siquidem somno similis est, singulis noctibus induimus, & cum in somno sensus sit planè nullus, nullum etiam in morte futurum esse sensum, verissimè statuere debemus. quod ut sensu ipso planè percipitur, sic ne de altero quidem dubitari ullo pacto potest, quin, quales antè, quàm oriremur, fuimus, tales etià mortui futuri simus. mors enim quemadmodum ad eum, qui nondum ortus est, nihil pertinet, sic ne ad eum quidè, qui mortuus est, ulla ratione pertinebit. ad morientem verò vel nihil, vel parum cerè pertinet. siquidem tam angusto spatio tamque breui curriculo coercetur, ut nec si velit quidem, vires suas nimium porrigere, aut explicare possit. Quæ est igitur eorum oratio, qui tantum in morte dolorem se timere, atque expauescere delitant? quanquam non sanè video, quo modo aliter facere possint: qui enim mortem nūquam experti sint, quam semel homo subiturus est, quo modo, bona mala ne sit, verè sentire ac diiudicare possunt? Moriētes aiunt cruciari, angī, distorqueri. quod in nōnullis fortasse animaduerti, atq; observari potuit. in quo tum isti aliquid dixisse videri possent, si hoc ex ipso mortis sensu penderet, nam, si mors ipsa dolore suo corpus usque eò cruciaret, atque angeret, ut hac doloris edere indicia cogeretur, negari profectò non posset, quin dolorem non leuissimum mors ipsa esset allatura. Cū verò huiusmodi cruciatus paucissimos angat, & eos maximè, qui intemperanter, flagitiosè, nefariè vixerint, nunc dubitari,

In morte  
nullus sensus.

# M. TVLLII CICERONIS

conscientia  
verber.

Improbi  
mortem hor-  
rent.

Boni mortē  
non metuant.

Boni sine  
sensu doloris  
plernumque  
moriuntur.

nō potest, quin homines non mors, sed admissorum scelerum conscientia vexet, habeátque sollicitos. qui enim se morituros nunquā crediderint, ac ne cogitarint quidem, cū ad ipsam mortem peruenerint, anguntur non dolore moriendi, sed quòd è vita inuiti discedunt. in qua cū omnia secunda feliciáque experirentur, ne secus mortuis accidat, valde vereri, ac dubitare coguntur. At bonis, qui mortem semper, tanquam praesentis tempestatis portum, in ore ac sermone habuerint, quique ex huius vitae procellis, mortis beneficio, aliquando egredi sapissimè concupiuerint, nihil libentius aut iucundius mentione, ac nomine ipso mortis accidit. Atque in iis etiam praestans, planèque admirandum deorum munus agnoscitur. bonos enim, & quidem plurimos, non modò cum exiguo dolore, ut optare homines vulgo solent, sed omnis planè doloris expertes ex hac vita egressos, sine ulla dubitatione reperias. ex quibus Q. Fabius Consulatū adeptus, cū in Curia pratererentes salutarer, nihil dolens, nihil molesti sentiens, immo planè gaudens, è vita discessit. atque idem contigit A. Pompeio, cū in ade Iouis Capitolini sacra fecisset. itèmq; Thalna Cōsuli, Diis immortalibus supplicanti. quid hos in ipso mortis articulo doloris expertos existimes, qui paullò antè lati vivebant, & in eo, quo moriebantur, puncto temporis, nihil lugubre testati sint, nihil flebile dixerint? Morte, inquires, oppressi sunt. at sapientissimi, & optimi viri, quibus mortem, tanquam beatae vitae initium, dii immortales largiri voluerūt. quam eò fortasse iucundiorem ipsis fore videbant, quò minus eo tempore tantum boni exspectauerant, ac ne sperare quidem poterant. nam, cū mors è diuina voluntate tota pendeat,



haud sanè in hominis potestate esse possit, quo potissimum die, quaque condutione mori velit. Nec verum est quod dicitur à quibusdam, mortis eandem omnibus hominibus diè, ac terminum diuinitus esse constitutum: ut autem vel citius, vel serius moriamur, singulorum hominum vel intemperantia, vel negligentia contingere. nam, ut illud verissimum est, præfinitum esse vitæ terminum à Deo, quem præterire, aut ex quo egredi nemini liceat, sic illud affirmare nemo possit, eundem omnibus, eadèmq; hora vitæ finem impendere. quod si agnosceremus, nihil sanè esset, cur homini prudentiam, temperantiam, pietatem, tribueremus. quæ omnes planè virtutes, si hoc consequeretur, non modò inutiles, sed penitus inanes viderentur. cur enim prudentia vteretur homo, cur abstinentia, cur temperantia, si eodem, quo reliqui omnes, temporis spatio vitam esset terminaturus? Ut diutius, inquis, vitam producere liceret. at, si vita terminus fatalis est, nec immutari quidem posse necesse est. Sin voluntarius, & in hominis arbitrio positus, nihil est, cur, eundem omnibus à Deo constitutum esse, quisquam affirmet. Sed de his statuatur unusquisque ut libet. quid autè verius sit, Deus ipse viderit, hominem quidem, scire arbitror neminem. stet modò nobis illud, doloris esse nihil in morte, boni autem tantum ex ea ad homines permanere, quantum sperare multi possint, cogitatione quidem assequatur nemo. itaque hoc diuinitus hominibus datū est, ut quoties molesti aliquid experiantur, tum mortem exoptent, ac votis etiam conceptis sæpe implorent. quid ita? quia bonam, utilemque esse mortem, cogantur agnoscere, malam autem, aut acerbam esse nunquam posse, homini à natura insitum

Non omni-  
bus idem  
mortis præ-  
finitus dies.

Cur mortem  
optent qui  
sunt calamito-  
si.

est. itaque dolore percussa mortem imploramus, eamque vnam, ut miseriarum malorumque terminum, exoptamus. Admones me locus, ut cum neminem ipsa morte magnopere commoueri debere probatum sit, iis præcipuè dolendum nihil esse contendam, quos mors cum laude appetita cõsolari potest. satis enim diu vixisse putandi sunt, qui vitam honestè clauserunt. eosdè que è vita abeuntes non modò laus, sed etià perpetua voluptas, delectatioque prosequitur. quæ sanè eò maior in animo exoriri, ac vigere solet, quò latior alicuius in colendo officio, vitæque honestè ducenda manavit industria. certè enim, cum ad rectè agèdum natus homo sit, idè que mentis, & rationis munere, præ ceteris animantibus, ornatus, atque instructus, unde potius laudem, ac voluptatem, quàm ab honestis actionibus, petat? An, unde oriũ duxerit, obliuiscatur? ille verò nec sui oblitus est, qui rectè vixit, nec iniquo animo mori potest, cum multos relinquat sua testes memorèsque virtutis. quanto autem gaudio exsultare credendus est illorum animus, qui corporis admisione solutus, in cælestes ignes, sempiternasque domos, unde exierat, reuertit? profectò enim ex diuina mente delibatos habemus animos, qui hac mole inclusi, tanquam terra grauitate, sic ipsi nimio pondere corporis opprimuntur. ubi autem solui corporibus ad proprias sedes euolauerunt, tum verè viuunt, nec libidini, voluptati, dolori seruiunt, sed sui compotes, nulla re anguntur, nihil requirunt, omnibus imperant. Rectè igitur dictum est, corpus terram esse, mentem autem, ignem de cælo sumptum. id quod clarorum virorum acta cum virtute vita, præclaræque actiones facile testantur. quo modo enim aut omnia huma-

Quibus præcipuè non dolendum ob mortem.

Corpus terra: mens, ignis.

*nae vitae commoda contineret, aut voluptates cunctas pro  
 nihilo duceret, aut vitam ipsam laudis honestatisque gratia  
 profunderet, qui nihil quidquam ad se, prater hæc ipsa mor-  
 talia, quæ manibus contrectat, quæ teris pedibus, pertinere  
 cogitaret? verum hæc non ita se habent. corpus enim è terra  
 concretum, tam diu terrestrium rerum amore ducitur quoad  
 in terrâ ipsam vnde ortum duxit, reuertatur, animus ve-  
 rò, qui è cælo sumptus est, sempiternum quiddam, & cæle-  
 ste appetit, nec iisdem, quibus corpus finibus cogitationes coer-  
 cet suas. itaque nunquam quiescere, nec verè vivere putan-  
 dus est, quamdiu corpore conclusus, inuitus propemodum  
 mortali labe, terrenisque vinculis cohibetur. At illa quanti  
 sunt, grauissimis vitæ laboribus liberari, in mediis dolori-  
 bus, & arumnis obdormiscere, & quasi emissos è molestis-  
 sima vitæ custodia, in iucundissimam, suauissimamque do-  
 mum remigrare? huc enim pertinent quæ de piorum quiete,  
 deque voluptate illa, quæ egressi è vita perfrui dicuntur,  
 disputari à sapientibus solent, qui cum intelligerent, non  
 fortuito, aut temerè satus, & creatos homines esse, nec eadē  
 mereri bonos, qui multis exantlatis laboribus vitam in me-  
 dio dolore amisissent, & improbos, quorum in patrandis fla-  
 gitis semper est animus cogitatioque defixa, idcirco nō eun-  
 dem probis, & improbis vitæ terminum, nec eadem mortuis  
 præmia statuerunt. Quæ nos recordatione potissimum refi-  
 ci, ac recreari decet, qui carissimam filiam, optimè quæ de no-  
 bis meritam ita vixisse scimus, ut ad optimos mores, sum-  
 mæque prudentiæ nihil posset accedere, & ita mortuâ, ut  
 in dolore, quæ ex partu coisaxerat, summâ animi magnitu-  
 dinē, summamq; constantiam præstiterit. cuius mētio nobis,*

*Animi & cor-  
 poris ortus.*

*Piorum post  
 mortem  
 quies.*

*Tullii lau-  
 datio.*

M. TVLLII CICERONIS

dolore iam, si non penitus extincto, certè magnopere leuato, non solum acerba, sed etiam iucunda accidit. qui enim aliter debet? cum nec ipsi quidquam acciderit mali, nec ego ulla re, quæ tantopere cum natura congruat, & cum omnibus hominibus communices, anzi aut perturbari debeam. Quid ergo mihi restat? nihil sanè, nisi, cum ea diuino potissimum beneficio vitæ munere perfuncta sis, ut ad eam maximè viuendi conditionem cogitationem meam mentemque referā, quæ nunc ipsam perfrui credimus, ac si, quod æquum est, fateri velimus, etiam intelligimus, quæ ex meditatione eò maiorem voluptatem percepturus sum, quo meliore illa nunc statu, quam quem viuens experta est, sine ulla dubitatione perfruitur. quid enim boni non merita est, quæ nihil unquam egit, ac ne cogitauit quidem mali, & iis angoribus ac malis, quæ viuenti obiecta sunt, ita patienter perfuncta sit, ut non secus de aduersis, quàm de secundis rebus, Diis immortalibus gratulari, gratiasque agere soleret? & cum nihil, nisi rectum, honestumque cogitaret, tamen una conscientia contenta, nec sua benefacta in luce collocari, nec sibi quidquam propterea laudis, aut gloriæ deberi arbitraretur. Quæ ergo ita animata fuerit, ut de se quidem minimè, de recta mēte, ac de æquitate plurimum laboraret, an nō diis ipsis censemus maximè gratam & probatā fuisse? in qua non ficta, & adumbrata, ut in multis, sed maximè solida, & expressa virtutis elucebat effigies. nā, cum eam talem natura genuisset, ut quod pulcrū, rectumq; agnoscebat, sua sponte sequeretur, tamen eo non contenta, summa vi rationis, prudentiæque perfecerat, ut nulla re minus, quàm natura duce, egere videretur. itaque qui eius instituta, &

Tullia beata.

Tullia animus sibi bene conficius.



ta, & mores paullo diligentius inspexisset, qui regunda familie solertiam, qui summum in cunctis rebus ingenium, singularemque doctrinam aduertisset, haud fuisse sane, quod aut virilem in intelligendis, iudicandisque rebus prudentiam, aut exquisitam patrisfamilias solertiam requireret. itaque quibus maximè rebus egere sepe homines solemus, fortitudo & prudentia, hæc ita in muliere abundabant, ut sui maioris medicinam non peteret foris, sed in se ipsam spectans, ex sua semper virtute penderet. Quanto autem grauioribus, ac difficiliore animi morbi sunt, quam corporis, eò magis mirandum est, talem extitisse illam, cuius fortitudini corporis mala parerent, prudentia verò omnes animi morbi facile cederent. itaque quanquam ex calamitate temporibusque nostris molestia plurimum traxerit, nunquam tamen animo percussam, aut detectam sensimus. angebatur patris exsilio, totiusque familia luctum, bonorumque direptionem inuita videbat: sed matri tamen consilio, prudentiaque aderat, & rebus in magnum sæpè discrimen adductis, reditus spem nobis asferre nunquam dubitauit. ita, quantum ex calamitate doloris, tantundem ex filia suauitate, ac pietate solatii capiebamus. quod ut esset diuturnius, si commodum nostrum, aut eam, quæ omnibus antiquissima est, liberorum charitatem cogitaremus, magnopere optare debuimus. at, cum illam corporis vinculis soluta, omnibus exsutam miseriis, & immortalitatis copotem facta, animo reputamus, non modo in dolore conquiescimus, sed etiam præcipue letamur. quid enim mihi accidere latius potest, quam de immortalitate animorum cogitanti, de filia simul æterna beatique Vita confidere? animos enim esse immortales,

Tullia fortitudo & prudentia.

Tullia patientia constantique animus.

Immortales animi,

M. TVLLII CICERONIS

ne dubitandum mihi quidem videtur. faciam autem non inuitus, ut sapientissimorum hominum percurram hac de sententiam, quādo me in hunc locum deduxit oratio. Neque verò hac ita disputanda censeo, ut animos iccirco non interire probari possit, quod mortuorum corporibus vis quædam inesse veneratione digna patetur, quæ significare debeat, non deleri morte animos, sed immortalium animorum veluti sepulchra quædam, mortalia corpora fuisse. quasi non & maiora, & firmiora multa suppetant, quibus planum fieri possit, qui animos simul cum corporibus interire contendat, cum contra rationem, nulla nixum ratione, pugnare. quod si auctoritas querenda sit, quem grauiorem nominare auctorem possum, quàm eum, quem Appollo ipse sapientissimum omnium pronunciauit? cuius testimonium tale fuit, ut diuinos esse hominum animos, & eos, corpore solutos, in cælum remigrare, unde prius venissent, in omni sermone asseueraret. in quo cum Philosophis illis consensit, quos quondam Italicos nominauit antiquitas, maximèque nobiles iudicauit. quorum semper constans fuit opinio, demitti animos è cælo, diuinæque mentis eos esse non solum munus, sed etiam partem præcipuam, ac propriam. quod si secus esse quisquam putet, haud sanè facillè, quid multis, & firmissimis in hanc sententiam argumentis respondere possit, inueniet. Sic enim planè cognosci ac sensu ipso diiudicari potest: summam esse penèque incredibilem in animis celeritatem, ac festinationem, cuius ope, quæ corpus non modo certo mensium, sed vix etiam annorum spatio perficere, atque exsequi posset, ea ipsi non modo semel puncto temporis percurrere,

Socrates animos immortales astruxit.

animorum celeritas.

sed etiam sepius excogitare, & repetere facillimè queant.  
 quod si mirum videtur, cur non admirabilius censeatur, <sup>Memoria.</sup>  
 meminisse animum tam multa, innumerabilibus antè se-  
 culis gesta: quæ futura sunt, cogitando prospicere, ac non  
 modo præsentia, sed etiam præterita, & futura, veluti  
 Deum, omnia complecti, ac sub oculos subiicere conari?  
 quis dubitet, cùm hæc intelligat, eadèmq; in se ipso agno-  
 scat, diuinum esse animū, nec, si diuina æterna sunt, ipsum  
 esse mortalem? cùm præsertim duabus ex rebus, quæ præ-  
 cipuè in animo sunt, illius æterna natura facile intelligi ac  
 deprehendi possit. hæc autem sunt, motus, qui in eo præci- <sup>Motus ani-  
morum.</sup>  
 pius est, principium, ac perpetuitas. cùm enim ex seipso  
 moueatur, nec aliunde, ut cætera, principium motus mu-  
 tuetur, summa autem in eo, quamdiu in corpore est, per-  
 petuitas motus appareat: quippe quæ etiam in dormienti-  
 bus agnoscatur, & vigeat: iccirco dubitari nullo modo po-  
 test, quin diuinus sit, & sempiternus futurus. & sanè ita  
 esse ratio vincit, & rerum probat exitus. Dei enim ima- <sup>animus autē  
σπας μὴ  
δυν.</sup>  
 go quadam animus est, ex ipso Deo delibata, ac profecta.  
 quod si Deus immortalitate fruitur, cur eam partē, quam  
 ex seipso sumpsit, mortalem esse velit? quin hoc ipso sin-  
 gularem, & eximiam diuinam esse vim indicandum pu-  
 tauit, quod non solum ipse immortalis sit, sed etiam, quos  
 velit, suæ naturæ compotes, & planè immortales efficiat.  
 Corpus autem voluit esse mortale. nec immeritò. cùm <sup>Corpus, mor-  
tale.</sup>  
 terra, cuius mutationi subiecta natura est, initium duxe-  
 rit, & in eam ipsam, vitæ cursu confecto, abire debeat. Sed  
 animus profectus à Deo, cælum ipsum appetit. nam in eum <sup>Animus enim  
appetit.</sup>  
 locum, unde discessit, semper optat redire. terra autem si cui

M. TVLII CICERONIS

appetenda, corpori soli est. at verò animis aeterna celsi-  
des quaerenda, eaque propria illorum patria: siquidem a-  
nimorum nulla in terris origo inueniri potest. nihil e-  
nim est in animis mixtum atque concretum, aut quod ex  
terra natum, atque fictum esse videatur. nihil ne aut hu-  
midum quidem, aut stabile, aut igneum. his enim in naturis  
nihil inest, quod vim memoriae, mētis, cogitationis habeat:  
quod & praeterita teneat, & futura prauideat, & com-  
plecti possit praesentia. quae sola diuina sunt, nec inueniuntur  
vnumquam, unde ad hominem venire possint, nisi à Deo. sin-  
gularis estigitur quaedam natura, atque vis animi seiuncta  
ab his vilitatis notisque naturis. Ita quidquid est illud,  
quod sapit, quod vult, quod viget, caeleste & diuinum est, ob  
eamque rem aeternum sit, necesse est. nec verò Deus ipse,  
qui intelligitur à nobis, alio modo intelligi potest, nisi mens  
soluta quaedam & libera, segregata ab omni concretionem  
mortali, omnia sentiens, & mouens, ipsaque praedita mo-  
tu sempiterno. itaque eandem aeternitatem animis quoque  
nostris, ex se ipsa exortis, impartiuit. quorum ex cogitatio-  
nibus atque operibus nihil aliud, nisi diuinos esse illos, &  
sempiternos, colligere possumus. nam si aedificiorum magni-  
tudinē atque ornatum, si monumenta litterarū, si pecuniae  
vim infinitam in res maximè stabiles, & admirandas ef-  
fusam, si plurimarum maximarūque rerum adeptionem  
cogitare voluerimus, profecto intelligemus, haec nunquam  
facturum fuisse hominem, nisi diuturnitatem temporis,  
ipsamque aeternitatem plurimum ad se pertinere existi-  
maret. Jam, ipsa gloriae cupiditas, bonorum sitis, opum ac di-  
uitiarum assidua procuratio, quid aliud indicat, nisi co-

Deus quid.

cupiditas.  
gloriae.



gitare hominem in posterum, nec eodem vescendi viuendique studio, quo ceteras animantes duci videmus, humanum animum detineri. Sed hæc abiectiora, atque humiliora, nec ullis, nisi sanè angustis naturæ terminis, circumscripta. Quid illa imprimis grauiæ, atque præstantiæ, nec ulli planè in terris degenti, nisi soli homini, tributa? contemplatorem esse ipsum cæli, verumque cælestium: frui magnarum, obscurissimarumq; rerum scientiæ, quæ vel ad excolendos ad integritatem, atque innocentiam mores, vel ad comparandam Solis, astrorumque cognitionem, vel ad exercendam in abditis, obscurisque rebus memoriam, mentemque pertineant. nonne hæc ipsa tanta, ac talia, diuinum esse animum ostendunt, nec illius naturam aliunde, quàm è cælo, delibatam ac deductam? An censemus, si vnà cum corporibus animi interirent, aut sapientissimos homines tam æquo animo mori posse, aut tam iniquo planèque inuito stultos & fatuos? Socratem ferunt, morti proximum, de piorum immortalitate, beatæque vitæ, quæ mortem consequitur, disputauisse, itaque læto, ac libenti animo letale illud poculum hausisse, quasi non ad mortem, sed ad regnū atque imperium vocaretur. At verò, quorum animus in terra defixus hæret: qui nihil, nisi mortale, terrenumque, cogitant, eos planè repugnantes atque inuitos è vitæ discedere videmus. nec immerito. cum animorum aternitatem propius iam intuentes, crucientur mirum in modum, quasi flagitiose actam vitam pœna etiam sit immortalis consecutura. Atque illud etiam (ô stultum hominē dixeris aliquis & naturæ suæ penitus ignarum) nemini obscurum esse potest, ex ipsis etiā sacris caeremoniisq; maiorū æternam hominis

contemplator rerum cælestium homo.

Socrates morti proximus & animarum immortalitate putauit.

Qui mortis metu angantur.

æremonia funebres.

homini cecitatē, atque socordiā, ut diuina cognationis im-  
 memor, auersetur migrationē ad Deū? nec enim aliud esse <sup>Mors quid.</sup>  
 mors, quā migratio ad cœlestes superāsq; sedes, exisimāda  
 est. nec id solum ratione quadam æquitati, veritatique cō-  
 sentanea, sed etiā sapientissimorum hominū maxime firmo,  
 stabiliq; cōsensu. Atqui eum, qui hoc pacto viuere, ac penē  
 à seipso dissecire velit, meminisse certē oportuit, terrā ipsam, <sup>Providentia  
Dci.</sup>  
 omniāque, quæ sub cœlo sunt, diuina volūtate regi, propte-  
 reāque quiddā nobis, quod observandum & addiscendū vi-  
 deatur, præscribere. quis ergo terrā ipsam, aut quotannis fe-  
 racem, aut semper optimas fruges; & nūquam malas inuti-  
 lesque herbas edentem efferentēque vidit? quis anim alia  
 semper vberes fetus edidisse, nunquā sterilitatē passa esse,  
 recordabitur? quod si hæc ipsa secus se habent, nihilque in  
 rebus humanis perpetuo firmū, eiusdemque natura optare  
 licet: cur, quam in omnibus & rebus, & animantibus vici-  
 situdinem, cernimus, eam ab homine seiūgamus? qui si mul-  
 tos annos feliciter vixerit, si sobolē, honores, opes assecutus,  
 diu tantis bonis frui potuerit, præclare secū esse actum verē  
 dixerit. Sed aduersi tamen aliquid subeundū perferendū-  
 que relinquetur: demum appetenda mors erit, quæ cō leuior <sup>Mors com-  
munis om-  
nibus.</sup>  
 esse debet, quod omnibus cōmunis est, nec cuiquā singularis,  
 aut præcipua. Sed hoc quoq; gratior, quod nos à multis erro-  
 ribus abstrahit, quibus, quoad viuimus, in tāta opinionum  
 varietate assiduāq; veri inquisitione perturbari sæpe sole-  
 mus. & ad ipsam cernēdā fruedāq; veritatē incūdē traducit.  
 quo nihil beatius homini posse cōtingere, satis, ut arbitror, ex  
 eo suspicari possumus, quod innata est homini cupiditas sciē-  
 tiæ: eius autē præstantia nō sanē video, quæ alia in re, nisi in <sup>sciētia cu-  
piditas innata homini.</sup>

perfecta veritatis cognitione posita sit. ex quo sit, ut veritatis cognitionem affecuti, perfecta, absolutaque scientia potiamur. Verèque dici potest, qui veritatem intueatur, sensuque percipiat, eum voti sui compotem, verèque beatum esse. quod si beata vita quærenda nobis est, nec quidquam fugiendum magis, quàm ne miseriarum gravitate premamur: quid illo homine stultius, aut stolidius reperiri potest, qui cæterorum morte ita angitur, ut beata vita oblitus, miseram, atque infelicem consecetur? profectò enim ita se res habet, ut, nisi mortis, dolorisque timore liberatus sit, etià si multas cognitas perceptasque virtutes habeat, rectumque, & æquum omni plane utilitati anteponat, beatus tamen esse nemo possit. quid enim aliud dolor est, nisi cruciatus animi, isque perpetuus? quid aliud timor, nisi assiduus inuisarum, ac molestarum rerum metus? at quo modo felix, aut beatus esse poterit, qui assiduo cruciatu, metuque urgebatur? Quin eo inferior, atque infelicior existimari debet, quod non solum sibi ipsi molestiam miseriamque comparabit, sed in cæterorum etià sermonem, ac vituperatione incurret. nihil enim nimio dolore deformius, nihil à viro alienius. & si corporis prauitatibus vituperatio proposita est, vitiiis ipsis, quibus laborat animus, nihil turpitudinis, nihil inuretur infamie? Illa verò & graviora sunt, & maiori animaduersione vindicanda, quò nobiliorem, quàm corpus est, sedem, nempe animum ipsum, occupauerunt. quod si turpis dolor nimius, & vituperatione dignus, certè illud consequetur, ut, qui nimio dolori se ipsum tradat, ne laude quidem ulla dignus censeatur. est enim series quadam maximè veritati consentanea, ut sententiarum, sic rerum, & quæmad-

stimulatur.

Dolor quid.

Timor quid.

Dolore nimio nihil deformius.

quemadmodum in sermone disputationeque nostra nectitur aliud ex alio, ita qui se una aliqua vel deformitate, vel turpitudine implicari patitur, multis statim miseriis ac deformitatibus opprimetur. Nec verò credi velim, me, quia Non potest omnino tolli dolor. dolori nimio repugnem, iccirco dolorem omni ex parte improbare, omnesque illius ex animo fibras euellendas existimare. est enim, quatenus homo doleat, & (quod prudenter à Crantore dictum est,) siue secetur pars aliqua corporis, siue auellatur, sensus tamen adesse debet. istuc enim, nihil dolere, fieri non potest, quin quemadmodum feritatem corporis quandam, sic animi stuporem maximum indicet.

Sed nimirum illud est, quod improbamus, dolori nos ipsos ita tradere, ut in aliam fortasse grauiorem ex alia parte vituperationem incidamus. nam quemadmodum qui nihil prorsus doleat, desistere videatur ab hominis natura, quæ Nimirum dolor, vel nullus improbandus. morte percussa dolorem ac luctum aliquo modo indicare cogitur, ita, qui dolori nimis indulgeat, humane nature penitus obliuisci, communemque omnium conditionem recusare iudicabitur. quibus rebus intelligitur, grauiter peccare homines, cum vel ea, quæ omnibus perferenda subeundaque sunt, detrectare audent, vel, quid ipsos in vita deceat, quæque sequi, aut refugere debeant, non cernunt satis. quod proprium prudentiæ munus est, quam humanarum actionum moderatricem à Diis immortalibus esse constitutam, insciari nemo potest. atqui huic tam præclaro, diuinoque muneri plane obsistit qui nimio dolore ducitur. non modò enim se ipsum sine ullo fructu lacrymis, ac tristitia tradit, sed etiam omni planè consilio, ac iudicio vacat. ubi enim ratio, si se dolore auferri sinat? ubi constantia, si sibi ipse



M. TVLII CICERONIS

repugnet, & in mœrore iaceat? ubi denique humanitas, si se hominem esse oblitus, nihil sibi cū morte cōmane esse contendat? Jā verò illud stultissimū, existimare, quæ ceteri homines libèri animo subeant, iis se non esse obstrictū. quid enim? an ignorare quisquā potest, quanta inter homines cognatio sit, quātāque similitudo? etenim, nisi hoc verum fateremur, causæ nihil esset, cur homo hominē consilio, re, gratia iuua-  
ret, ab hostiū impetu, ac lesione defenderet. quod contrā videmus accidere, ut qui ab his actionibus auertat animū, non modò in vulgus improbetur, sed etiā inhumanitatis, ac feritatis accusetur. certè enim nō ē marmore sculpti, aut è robore dolati sumus: est in nobis quiddā, quod pietate, misericordiaq; moueatur, nec extingui sinat illā, quæ Diis proximi sumus, iuuādā, ac benefaciēdi voluntatē. itaq; insitū homini, atque innatū videtur, ut, quoties alium hominē quāuis alienū, premi calamitate atque ærumna videat, crucietur animo, nec, si facultas suppetat, dimittendam puet illius subleuandī occasionē. quā enim ipse, si eo loco esset, benignitatē sibi impartiri optaret, ea ut in alium viatur, natura tacita quādā voce monere, ac præcipere videtur. quæ igitur sibi euenire posse dubitet, ea si cōtingant, cur angī ac perturbari velit? aut, cur nō potius humana illa esse, & omnibus hominibus procliuia, fateatur? quātò rectius ille, qui hominem se agnoscit, nihilq; humani à se alienū putat: itaque cū hāc ex animis nostri opinionē, mala omnia nō esse humana, veluti immitte quādā, & immanē belluam, extraxerimus. profectò minus miserè, minúsque sollicitè viuemus. relinquitur enim illa cogitatio, quæcunque accidat fortiter ferēda esse, nihilque posse homini euenire, quo funditus prosternatur. idque ita erit, si nobismetipsis nō assentabimur, sed veritatē,

Homina in-  
cer se cogna-  
tio.

Homo cru-  
ciatur homi-  
nis calamita-  
te.

Humana om-  
nia ferenda  
homini.

quæ nihil præclarior, præstabilius, uberius esse potest, toto pectore amplectemur. hæc enim illa est, quam assecuti, meliores multò efficiamur, & ad perferenda incommoda, præclariorque peragenda alacriores. cum nihil, nisi quod rectum, & æquum est, laudabile arbitramur, nihilque aliud, nisi egregia illa, ex quibus vera gloria nascitur, expetimus. Ac mihi videor nimis etiam nunc angustè, atque exiliter agere. qui enim latior obici campus queat, in quo fideliùs, atque alacrius exsultare possit oratio? sed faciam impudenter, si medicinam deferens animorù, quam ex omnibus maxime utilem esse intelligo, ad meam vnius delectationem sermonem omnem, mentemque conuertā. Dolorem igitur nimis acere ac diuturnum fugiendū diximus. & quidè probabiliter, cum ex eo mala multa, maximèque graua soleant exoriri: contra verò nihil boni. neque enim dolor ex illis rebus est, in quibus vel ad probandū, vel ad vituperandū, multa & magna contrariarū rationū paria momenta agnoscantur. hoc enim si accideret, agerem verecundius, neque me in eum locū demitterē, unde nullū planè exitum viderē. Sed, quoniam hæc ita se habent, cōtendo, vincendum esse animū, dolorique acriter obsistendum. siue enim nosmetipsos, siue amicos, siue vulgi opinionē cogitemus, id nobis sine ulla dubitatione faciendū est. at si ad mortuos ipsos animū traducamus, quī possumus existimare, gratū illis fore, quòd nimio dolore cruciemur? præsertim cū ex eo nihil ad illos utilitatis, sed permultum ad nos dedecoris, atque incōmodi permanet. Quid igitur eos ipsos à nobis optare, atque expetere arbitremur? nihil sanè, nisi ut eos illustri memoria, ac recordatione decoremus. Nemo me lacrymis decoret, ait Ennius, cur?

Dolori ob-  
stendum.

Illustri me-  
moriam exor-  
nandi mortui.

quia voluto viuis per ora virum. quid igitur est caussa, cur  
 fletum lacrymasque recuset? nimirum ea gloria, quam se  
 adhuc viuentem assecutum esse confidebat. eandem igitur  
 ob causam nostrum quoque luctum mortuis ingratum mo-  
 lestumque fore suspicemur, nec aliud eos à nobis quidquam  
 flagitare credamus, quam, ut id ipsum illis, quo maximè  
 delectamur, tribuamus. hac autem gloria est, & assidua il-  
 lorum virtutis recordatio. quam si sermone, laudatione-  
 que nostra immortalè efficere liceat, hoc uno de mortuis nos  
 vel optimè meritos existimare possemus. Quid quòd cū, qui  
 sic doleat, ut recreari confirmariq; nō possit, ne diuinū qui-  
 dem numen horrere, sapientissimi homines prodiderunt? im-  
 pium autem est, quibus debemus omnia, iis pessimam referre  
 gratiā. contrā verò, qui deorum volūtati paruerunt, nihil-  
 que se, quod ab illis ultro daretur, molestè ferre declaraue-  
 rūt, eos non solū viuētes precipua laude ornavit antiqui-  
 tas, sed etiā è vita egressos perpetuo coluit honore. idque eò  
 studiosius, ac libentius, si quos intellexit cum Deorum cultu  
 exercitationem virtutis, & precipuam in mortales benefi-  
 centiam, coniunxisse. scitè profecto, ut cetera fermè omnia.  
 quid enim maiori laude dignum, ex omnibus rebus huma-  
 nis commemorare possimus, quàm eum, qui vitam ducat  
 cum virtute coniunctam, ad Deorum cultum atque hono-  
 rem, perpetuum in homines studium, ac pietatem aggrega-  
 re? nec quidpiam tantulum modò in eius animo existere,  
 quod non vel pietati, vel humanitati, vel denique virtu-  
 ti sit consentaneum? Nec aliam sanè ob causam pertur-  
 bari omnem vitam errore inscitiāque videmus, nisi quòd,  
 qua in hominis vita precipua esse deberent, pietas erga

Qui nimirum  
 dolent, in  
 deos impii.

Humanæ mi-  
 seris causa.

deos, in homines beneficentia, virtus ingeniis ac moribus, ea ferè omnia negliguntur. eadèque ratione quæ maximè vitare deberemus, ea studiosè expetimus, cæcòque impetu ferimur ad illa, quibus vita nostra planè fera, atque immanis efficitur. ex hoc fonte cupiditates insatiabiles exoriantur, quibus non modò singulos homines, sed totas familias, & vniuersas funditus euersas ciuitates videmus, præterea seditiones, insidiæ, discordia, rerumque, & hominum clades, & interitus. ex his etiam incredibiles dolores emanant, quibus perireturi vitam, neque solum insuauem, sed acerbissimam effici necesse est. quod contrà probis virtutemque amantibus accidit. nam diuinæ voluntati obtemperantes, nihil in se ipsos, sed in ea se ipsos, ac sua ponunt, & locant omnia: neminem ledunt: omnes liberalitate, benignitate, charitate amplectuntur: nulla re cruciantur: nihil appetunt, omnium vitiorum fracto impetu, cupiditatumque radicibus ex animo penitus euulsis. Num igitur eos, qui ita vixerunt, ut sibi incundi, diis grati, hominibus fructuosissimi extiterint, diuinis honoribus iure dignos maiores nostri censuerunt? eosque cum diis immortalibus æuum agere sapientissimus poeta non immerito cecinit. Nec tamen iccirco, quòd eorum corpora in cælum perlata, credere sapienter quisquam possit, quod quia natura nō patitur, ut, quod è terra est, alibi, quàm in terra maneat, ne credi quidem debeat, necesse est, sed quòd eorum animi, tanquam hominum de Diis immortalibus humanoque genere optimè meritorum, in cælum putentur elati. quod de Romulo, Urbis nostræ conditore, memoria proditum accepimus: quem singulare in genus hominum collatum munus tam præclaræ

Quæstus ii qui  
dius parent.

Romulus, cuius  
deus habitus.



M. TVLLII CICERONIS

urbis condenda, in Deorum numero collocauit. idque eo tempore, quo litteris & doctrinis homines exculti facile factum à germano, verum à falso secernebant: ut credi non possit, quidquā illis persuaderi potuisse, quod Vllam ficti, aut falsi imaginem præ se ferret. sed, quòd ille mortalis, eximia virtutis ac beneficentiæ gloria, consecutus est, ut non solum immortalis, sed Deus iudicaretur: id ipsum aliis etiā tributum esse, ut inter Deos recepti putarentur, cum excessissent à vita, annales veterum loquuntur. quod & apud Græcos prius contigit, & inde fortasse ad nostros permanauit. nam & Hercules, & Liber, fratres Tyndaridæ, & fœmina plurimæ, quibus nunc inter deos locus esse præcipuus creditur, & hominibus nati, & homines fuerunt. Sed, quòd virtute præstiterunt, & ut cæteris ad recte viuendum, benèque merendum præluerent, laborauerunt, ideò eos hominum fama, beneficiorum memor, in confesso, conciliòque cælestium collocauit. atque ipsos, quos vocamus maiorum gētium Deos, aliosque quamplurimos, quos in Deorum numerum retulimus, hinc à nobis egressos, & in cælum profectos, facillimum erit agnoscere. Maximum verò argumentum est, quod de illis credimus, id esse verissimum, quòd & tantus tot sæculorum, doctissimorumque hominum consensus veritatis vox ipsa esse videtur: & quòd tāta, tamque præclara virtuti, quem alium verè congruentē locum tribuere oporteat, nō sanè reperies. quis est autem tam demens, ut, quos innocentia, liberalitate, & singulari quadā ac præcipua virtute diis proximo intelligat, iis sciunctum à Diis tribuendum locum censeat? & cum hominis animus terrena respuat, ad supera semper feratur: qui nō solum tacito naturæ impulsu,

Qui ex hominibus facti  
Dii, apud  
Græcos.

sed voluntate réque ipsa, ut quàm maximè celestibus similes essent, præstiterunt, eos licebit in cælo esse priuatos: Mihi verò eo iustus in cælo collocari videntur, quò clarius eorum inter homines vel eluxit liberalitas, vel virtus enituit. quis enim Hercule fortior? quis prudentior? quis ab omni cupiditate remotior? quos ille labores, ut fortiter ageret, & hominibus prodesset, suscepit, & pertulit? aut quid nõ doloris, & calamitatis exhausit? quis ergo hunc cælo excludi patiatur, cùm eius virtuti sempiterna gloria, & laudis paruerit immortalitas? eadèmq; cæterorum conditio est: quorum alius alto genere virtutis, omnes summis, & singularibus vel in ipsos deos, vel in homines meritis præstiterunt: itaque tam egregiis eximisque factis nõ infixas plumbo statuas, non arcescentes triumphorum coronas satis diuturna persolvere posse præmia indicatum est, sed florètiora stabilioràque munera quæsitæ sunt, quibus ornarentur y, qui virtutē, honestatē, gloriam, otio, libidini, voluptati, vitæ denique prætulissēt. tamque id æquum est, quàm illud, decorum, maximèque probandum, non easdē improbis sedes, quas bonis, atque integris, post mortem esse propositas. intellexerunt enim ex maioribus nostris complures, qui sapiētia præstiterunt, cùm in Diis æquitas præcipuè vigeat, eaque in eorum gubernatione appareat maximè, fieri non posse, quin nequitiam sceleratàque auerferentur, quique ea in vita exercuerunt, eos à se ipsis longissimè se iungant. quod in vulgus edi verumque existimari, non modò rationi conueniens, sed vtile quoque imprimis est futurum, nam si quid in hominum animis pietatis, siquid religionis inerit, certè ob hanc potissimum causam se à flagitiis, ac facinoribus abstinebūt, quod impios, ac

Herculis la-  
borca.

Non enim  
improbis se-  
des atque  
probus.

Religionis  
vis.

M. TVLLII CICERONIS

nefarios homines à deorum concilio, ac societate arceri iudicabunt. Nec enim omnibus iidem illi sapientes arbitrati sunt eundem cursum in cælum patere. nam vitiiis, & sceleribus contaminatos, deprimi in tenebras, atque in cæno iacere docuerunt. castos autem animos, puros, integros, incorruptos, bonis etiam studiis atque artibus expolitos, leni quodam, ac facili lapsu ad Deos, id est ad naturam, sui similem, peruolare. quod si ita est, certe nobis quantum conniti animo possumus, quantum diligentia consequi, contendendum atque elaborandum est, ut ne ab iis segregemur, quorum est proprium vita frui sempiterna, ac beata. quod efficere qui voluerit ( omnes autem velle debebunt, qui seipsos diligere, conuenienterque natura volent viuere) nunquam committet, ut, qua ceteris exitiosa fore credideris, ea ipse persequatur. neque enim in spem venire poterit, aut ignoraturos esse Deos qua ipse agat, cum diuinam naturam nihil præterire credibile sit, aut illa probaturos, à quibus non modò Dii, sed etiam sani homines abhorreant. quid enim turpius libidine? quid tætrius avaritia? quid detestabilius crudelitate? quæ quãuis in hominibus aliquando existant, tamen ab hominis natura tam aliena sunt, quàm humanum illuderit, si omnia nobis bona omniâque commoda expetamus, atque in hoc comprimende sunt cupiditates, quibus trahimur persæpe ad ea, quæ virtuti aduersantur. quod facillimè perficies, qui tam gloriosi facinoris exitum secum ipse assiduè cogitabit. tantaque est huius cogitationis suauitas, ut, quod libenter, alacriusque agimus, etiam sine labore peragamus. idque in præstantibus, laudisque appetentibus hominibus facile cernitur. quorum tanta

esse

Seclera ab  
hominis na-  
tura aliena.

Qui de exitu  
à vita cogi-  
tat, virtutes  
expellit stre-  
nuè.

esse solet vel in obeundis præliis, vel in agendis caussis, vel in contentionibus pro Repu. suscipiendis alacritas, tantâque virtus, ut quod in iis rebus periculi aut laboris est, aut non sentiant, aut pro nihilo ducant. magni enim est contententis, & ad gloriam anhelantis animi fomentum, magnum solatium, spes futura, ac propinqua siue utilitatis, siue gloriæ, neque id solum in magnis, sed etiam in leuioribus laboribus, ac studiis. quos enim cursus, quos venatio delectat, eos quamuis de via fessos, ac pene exanimis videas, nunquam tamen minus alacres, minusque concitatos animaduertas. Jam, honorum cupiditas quid non in nostra ciuitate laboris, quid non sollicitudinis, negotiique facessit? quotus tamen quisque est, qui se vel labore defatigatum, vel pressationis molestia, curaque confectum audeat dicere? sic, quorum oculos virtutis splendor occupauit, gloriæque studium animos deleniuit, ij nec laborem sentiunt, & si tantus est, ut aliquando erumpat, eo tamen non magnopere mouentur. toti enim in eo sunt, ut profint patriæ, immortalémque sibi nominis memoriam comparent. quam si quis negligendam ducat, omnémque hominis felicitatem rectè factorum conscientia metiri velit, is certè diuinos honores, qui claris viris tribui consueuerunt, nunquā negliget. etenim de Diis ipsis, qui eosdem sibi honores asciuerunt, pessimè iudicasse videretur. tanta autem eorum qui huiusmodi consuetudine delectati sunt, & sapiëntia, & æquitas agnoscitur, ut dubitari non possit, quin, ipsi quod egerunt, a certa ratione proficiatur. quales numerare Lacedæmonas possumus, clarissimos, & fortissimos viros, qui ciues suos mortem pro patria obeuntes, diuinis honoribus afficere sole-

cupiditas  
honorum  
quid faciat.

Lacedæmon  
num mos.



Codrus.

bant. Quid verò illa, omnis planè doctrina, omnisque sapientia parentes Athenæ? nonne Codrum Regem suū, ob pietatē in patriam, meritāque illa, quibus excelluit, magno consensu in Deos retulerunt? Atque haud scio an rectē senserint viri doctissimi, quorum ea fuit opinio, viros claros, & fortes, iccirco deorum immortalium honore consecratos, ut incitaretur virtus acrius, & acuerentur vehementius ad obeunda pericula qui patriæ amore, studioq; tenebatur. vera enim virtutis merces gloria est, nec quidquam est aliud, quo magis ad rectē, honesteque agendum præstantis animi homines incenduntur. quod optimè agnovit, ac diutissimè retinuit, omnium litterarum præclara custos, &ATRIX Græcia: qua multos habet virtutis gratia factos ex hominibus Deos. quorum alios fatentur novos: alios multis iam sæculis receptos in cælum, consecratosq; contendunt. quàm multi autem sint, qui recōditas eorum scrutantur litteras, nosse fortasse possunt. Neq; vero hæc à me ideo copiosius disputantur, quod eos temerè, neque satis cōsideratè iam multos consecratos esse credi velim: cū eos ipse quoque venerer, deorumque loco habendos putem: sed potius, cū tot apud omnes penè gentes immortalitate, diuinisque honoribus affecti reperiantur, ut exacuum bonorum mentes ad ea promerenda, quæ sapientium iudicio ducuntur amplissima. nihil enim præstantius aut beatius accidere homini potest, quàm eo loco donari, in quem ut ascenderent Urbis nostræ conditores, nullum periculum, nullum laborem, nullum denique certamen prætermiserunt. ac si priuata utilitatis, & commodi habenda ratio est, nullam aliam expetere, aut optare vir sapiens, & eruditus, præter hanc unam, debet. Tempia verò publicè vota, & de-

apud Græcos  
deorum ge-  
nera duo.

Templa diis  
sacra.

dicata, quantum in vulgus dignitatis, quantum habent gloria? cum omnes, qui Deos illos, quibus Tempa vouentur, publicè colunt, fateri cogantur, & fuisse homines, Et ad Deos, diuinòsque honores, una virtute fretos ascendisse. Nec mirandum est, Deos illos publicè coli, eorūque delubra, & Tempa augustè, sanctèque exornari, qui vel patribus nati sunt diis, vel matribus: nam, quemadmodum corū cultus & sanctus, & religiosus est, maximèque pietati atque equitati consentaneus, sic admirationis, aut dubitationis nihil habet. totus enim ex natura oritur: ut iure ipso naturæ, qui Deo satus, vel Dea editus procreatusque sit, deus esse debeat. at verò, qui homine patre, vel mortali matre natus est, hunc esse Deum, & magnum quiddam videri potest, & dubitandi occasionem, nec fortasse ineptam, multis afferre solet. non enim, si eximus talium virorum virtuti tribuatur honos, quin id iure fiat, aut dubitare, aut negare quisquam potest: sed, quòd tantam virtutis esse vim velimus, ut vel natura ipsa eius unius ope immutetur, hoc illud est, de quo quærere doctiores viri non immerito solent. quibus ita responsum est, non immutari virtutis naturam, nec enim id sine prioris naturæ corruptione, posse euenire: sed, eadem in illis manente natura, euolare animum ad deos, & in eorum adscribi concilium, cum immortalis sit, & immortalitatis diuinæ particeps. corpus autem, suapte natura mortale, manere in terra, quodq; terrenum est, nullo pacto suā exsistere posse naturā, ut alienā induat. quāuis enim hæc ipsa quæstio perobscura videri soleat, nec omnino procliuēs, aut faciles habeat explicatus, tamē, nisi auctoritatibus cōtra rationē pugnetur, nō incōmodè, opinor, à nobis exposita censerī potest. Et quoniam quæ in hoc genere præcipua

Vis virtutis.

M. TVLLII CICERONIS

cognitūque digna sunt, persequimur omnia, (volumus quidem certè) prætereundum non est, quales, quàmque multæ  
 Virtutes des- virtutes, erudiendorum hominum gratia, sint honore deo-  
 rum immortalium consecratæ. cuius rei finis est, publica  
 utilitas, ut, quo honore virtutes ipsas decoratas videant,  
 eundem se consecuturos esse homines sperent, si iisdem vir-  
 tutibus excellant. quo in genere multum boni est in imita-  
 tionem. libenter enim ea imitantur, & persequuntur multi,  
 ex quibus alios illa eadem, quæ ipsi appetunt, consecutos  
 vident. atque ex eo plerunque accidit, ut multis in rebus,  
 quas antea ne cogitauerant quidem, cum ad clarorum vi-  
 rorum imitationem se contulerint, multorum vigeat indu-  
 striæ. quæ cum paullo manauit latius, quantos progressus,  
 quantæque acquirat incrementa, nihil necesse arbitror com-  
 memorare. constat enim inter omnes, quæ præclara ducun-  
 tur, ea fere omnia à tenuibus initiis sumpsisse exordium.  
 quod paulatim, imitatione progrediente confirmatum, ita  
 increbuit, ut ne augeri quidem, aut exaggerari magis pos-  
 set. quod si vlla in re gratum nobis atque optatum esse de-  
 bet, certè in complectendis prouehendisque virtutibus non  
 video, quid esse possit optatius. siquidem ex his informatio  
 pendet, educatioque vita, quæ cum rectè instituitur at-  
 que excolitur, incredibile dictu est, quantos, quàmque vbe-  
 res iustitiæ, integritatis, omnisque amplissimæ laudis fru-  
 ctus afferat. Sed, cum virtutes multæ meritis colantur,  
 quod & ipse cultus dignæ sint, & multæ ab iis ad vniuer-  
 sum genus hominum utilitates proueniant: quid sit, cur be-  
 stia quoque ipsa ab Aegyptiis ferè omnes consecratæ  
 sint, scire sane velim. sit Piscis in cultu, ac Deorum opi-

Virtutes cul-  
 tæ diuinis  
 honoribus.

Bestia conse-  
 cratæ ab Aeg-  
 yptiis.

nione apud Syros, homines nec tanta ingenij acie præditos, nec tantis doctrinarum præsidij instructos, ut hæc, inepta, ridiculæque esse, possint agnoscere. Ægyptij verò, omnibus affluentes eruditionis, & scientiæ laudibus, quo modo in tã inanem, tãque absurdam delabi opinionem potuerint, equidem intelligere vix possum, quid enim? an boues, canes, lupos, feles, pisces in Deorum numero habebimus? & quos nobis natura præsidij, auxiliique causa animantes genuit, eos per inscitiam Deos iudicabimus? quibus nihil fœdus, ob-scœnius, lutulentius ne natura quidẽ ipsa viderit. Etiam ne Animalium monstra. animalium monstra illa, à quibus hominum generi præcipua incõmoda inferuntur, crocodilos, aspidas, serpentes, ceteras feras, & immanes belluas, in Deorum numerum referemus? quid erit aliud, naturam invertere, & imã summis, summa in finis commutare? & cum tantã in his imperitiã, barbariãque ignoscamus, tamẽ ne ista penitus inania pertinaciter defendemus? Eademq; inscitia capas, allia, fructus cæteros, qui oriuntur è terra, in Deorum numero reposuit Ægyptus. quæ haud scio, cur longiori oratione refellere sit necesse. incredibilis est enim eorum absurditas, ut nulla esse possit aut pertinacia, aut imperitiã tãta, quæ non ista aspernetur atque refugiat. Imbres autem, nimbi, procellæ, si à nostris consecratae sunt, id antiquissimis Populi Rom. ritibus, Rituli dñi Romanorum. acceremoniis receptum, & confirmatum est. quæ tolli, aut perturbari, cum & satis firma ratione nitantur, & usu iã ipso confirmata, & approbata sint, sine nefario scelere non possunt. Gracia verò, quam paullo antè laudibus ornavimus, hoc loco nõ sanè laudare possumus, quæ Cupidines, & Amores satis audacter, & temerè in Gymnasiis adibique Græcorum dil.



M. TULLII CICERONIS

publicis consecrarit. quid enim Cupidini, aut Amoris cum Gymnasis? aut, quid ea consecratio vel ad considerandum, vel ad imitandum afferre potuit honestatis, aut boni? nihil enim temerarium, nihil insipiens in Deorum consecratione esse debet, nec, quod ullā vel leuissimam aut turpitudinis, aut ullius omnino imprudentiæ suspicionem afferat. quales videri possunt eorum consecrationes, quorum in rebus probis atque pudorūque contrariis numen esse, potentiāque creditur. Qui ergo ad hominum vitam vel adiuvandā vel extendendā, atque exornandam aliquid attulerunt, quique virtutibus, reūque, gestarum gloria præstiterunt, eos nemo dubitet, iure deos habitos, diuinōque cultu affectos esse. Neque ego ulli pacto auderem hoc primus prodere. non enim itā studiosē quæ laudari possunt, appeto, quā reformidare ea soleo, ex quibus possit aliquid vel leuioris culpæ redundare. Cū enim verò et mares, et feminas complures in Deorum numero esse videamus, et eorum in urbibus, atque agris augustissima templa veneremur: assentiamur eorum sapientiæ, quorum ingeniis, et inuentis omnem vitam legibus, et institutis excultam, constitutamque habemus. tantis enim ducibus aberrare non possumus, nec à nobis. sed ab illis ipsis, quos sequimur, rei tam iusta ac debita ratio reposcitur. iure enim fecisse putandi sunt, qui ne quē virum aut feminam præclare meritam debito honore spoliaret, eorum memoriā sanctā venerandāque esse voluerunt nos autē iniuste ageremus, si, quos pari cultu venerationēque dignos cognouimus, eos pateremur silētio præteriri. Neque hoc de te una, mea Tullia, dictum volumus, cuius exstabit virtutis, prudētiæ, doctrinæ, continentia, ad omnem aternitatē impressa

Qui pro diis habendi.

Cur dii Deique.

ad Tulliam apostrophe.

vestigia, sed de iis omnibus, quos tali honore dignos aut ipsi  
 vidimus, aut futuro tēpore posteritas intuebitur. Nunc au-  
 tem de te loquar, quā nō ego amissam, aut mihi penitus adē-  
 ptā, velim dicere: cū illucescat menti meae quotidie magis  
 præclarissima nominis tui, tuarūque virtutum gloria. vi-  
 gebis autem memoria, quam diu monumēta exstabunt illa,  
 quibus eximia cōsignata sunt tā excelsæ landis testimonia:  
 quæ sempiterna fore, cū præstātissima sint, planè cōfidere  
 debemus. Tibi igitur nunquā me debitum persoluisse officiū  
 putabo, nisi de me optimè meritā, quem eximie coluisti, ac  
 de patria, quā semper ornaisti, supremo honore decorauero.  
 Id autem facile cōsequar, cū is locus, quē tibi delegi, sem-  
 piternā habiturus sit religionē, nostra verò si qua erit ex ea  
 re cōsolatio, quæ magna certè erit: aut, si qua laus ex pater-  
 na pietate, mihi certè iucūdiſsima acciderit. nihil enim aliud  
 vel audire, vel memoria repetere libētius possum, quā me  
 in eā, quā summè dilexerim, summèque diligendam merito  
 suo censuerim, quā maximè piū, gratūque esse. cū prefer-  
 tum in alienos, quia de se optimè erant meriti, tā prolixos li-  
 beralēsque sese, & maiores nostri, & exteri præbuerint. Quod  
 si ullum unquā animal consecrandū fuit, qualia multa con-  
 secrauerunt Aegyptii, quod nullum profecto fuit: si Cad-  
 mi, aut Amphitryonis progenies, aut Tyndari in cælum  
 tollenda fama fuit: huic idem honos certè dicendus est.  
 quod quidem faciam, tēque omnium optimam doctissi-  
 māmque, approbantibus diis immortalibus ipsis, in eorum  
 cætu locatam, ad opinionem omnium mortalium consecra-  
 bo. Tu ergo in eo ipso fano, quod ad nominis tui memo-  
 riam, ac cultum, votum dedicatūque est, & laudari te, &  
 coli senties. maximè autē lataberis in eo, quod & cum tibi,

Apotheosim  
 Tullii cōgi-  
 tat, ad idque  
 delubrum.

## M. TVLLII CICERONIS

Laudatio  
fut.

quæ maximè debuit, honorem persoluerim, & me simul iniquissimo fortuna imperio penitus exsoluerim. nosti enim, quam semper alacri fortique animo cunctis casibus restiterim: ut ne me quidem, pulsum patria, omniq; planè dignitate spoliatum, tam acri impetu frangere, ac deiicere fortuna potuerit. Cum inimicis autem quanta contentione decertauerim, quæque mea fuerit in iis refutandis, frangendisq; virtus, & constantia, norunt omnes, qui varios ciuitatis nostræ casus curiosè notauerunt. Cùm verò, Tullia, te mihi extremo loco fortuna ademisset, tum equidem intellexi, quantum illa in rebus posset humanis, quantaq; aduersus me ipsum vi, ac potestate niteretur. itaq; nihil habui quod dicerem, nisi, cedo, & manum tollo, cùm rã grani accepto vulnere, planè dolore perculsus, atq; afflictus essem. Nunc autem & præceptis sapientiæ aduersus omnem fortunæ vim cõfirmatus, & te consecrata, in cælumque recepta, tanta affectus voluptate, ac lætitia, quantam animo capere maximam possum, exultare planè videor, victorq; de fortuna, ac de omni prorsus dolore triumpho. Tu ergo, quando me insigni, & excellenti tuarum laude, memoriaq; virtutū, tam præclare iunxisti, nunc ab hominibus seiuncta, non me deserens, sed aliquando respectās, perduc eò, ubi tua tandem colloctione conspectūque fruar: ut & parenti tui amantissimo, quam potissimum optare debes, gratiam referas, & ego multò mihi gratiorem, multòque iucundiolem congressum nostrum futurum intelligam, quàm insuauis, & acerbus digressus fuit.

FINIS.



